

DE LA NATURE
ET DES VERTUS
DES EAVX MI-

NERALES DE DINAN,
des Maladies auxquelles elles peuuent
donner soulagement ou incom-
modité, comme il se faut gou-
uerner en les prenant.

*Aduis à ceux qui mal apropos, prennent des re-
medes, & comme doiuent faire ceux qui
ne peuuent se resoudre à en vser.*

Par IAN DV HAMEL Docteur en Medecine.





30763

A DINAN.

Par IACQUES MAHE' Im-
primeur & Libraire.

M. DC. XLVIII.







A TRES HAVT
ET TRES PVISSANT
Seigneur Messire IAN E M A-
N V E L de Rieux, Marquis Das-
serac, Conte de Largoüet, Sei-
gneur de Lisle Dieu, de Ranroüet
Guédelisse &c.



ONSEIGNEUR.

*Si c'eust esté icy que-
que piece rare & excel-
lente, ie ne vous eusse point importuné
en vous priant de la recevoir, ne dou-
tant nulement qu'elle ne vous eust esté
bien agreable, sachant l'inclination
que vous avez pour les bonnes choses,
& specialement pour les sciences:*

Mais voyant que cecy est de si peu de
consideration & si imparfait, Je n'ay
peu sans rougir vous en demander la
protection, jugeant bien qu'il est indi-
gne d'estre présenté à vne personne de
vostre condition & de vostre merite,
qui n'ignorant rien de tout ce qui est
contenu dans les plus excellents & les
plus rares Auteurs dont vostre Biblio-
theque est remplie, y remarquera aussi-
tost tant de deffauts qu'elle pourra m'ac-
cuser instement d'ignorance & de tome-
rité. Mais aussi j'ay considéré que plus
il est d'effetueux, il à besoin d'un plus
puissant appuy, pour le garantir de
l'enuie & de la malice de ceux qui le
voudroient deschirer & aneantir, &
d'une plus grande bonté pour le rece-
voir. Et pour cet effet, quel plus puis-
sant Protecteur pouvois-je choisir, que

celuy qui est Chef du Nom & d'Armes de la maison de Rieux ? Je pense tout dire en ce mot, puisque la Tige en est Roïale, & les Alliances des plus Illustres, non seulement de France, mais aussi de toute l'Europe, y pouuant conter Papes, Rois, & Empereurs. Qu'elle plus grande bonté que celle qui gaigne les cœurs de tous ceux qui ont l'honneur de s'aprocher de vous, en qui on remarque toutes les vertus, & les perféctions qui se peuvent rencontrer en vn mesme sujet, l'Esprit, le Sçauoir, la Valeur, la Prudence, la Douceur, la Pieté, la Charité se font toutes paroistre dās les occasions, avec admiration de tous ceux qui les considerent. Bref vous estes si parfait & si accomply, que ie suis plus capable de vous offencer par la basseſſe de

*mes pensées, que de parler dignement de
vos merites, & ie croy que ie vous he-
noreré dauantage par vn respectueux si-
lence, à limitatiõ de ces Anciës sacrifica-
teurs des Ægyptiës qui n'adoroiët leurs
Dieux que par des voix inarticulées,
pour mōtrer qu'ils ne pouuoïët auoir des
pensées ny des paroles assez exprimantes
& assez efficaces. C'est pourquoy
ie me contenteré de vous tesmoigner,
le regret extresme que i'ay de n'auoir
pas de meilleurs moiens de vous faire
paroistre combien ie me tiēdré glorieux
de pouuoir, avec vostre permission,
prendre toute ma vie la qualité*

M O N S I E I G N E U R.

D E

**Vostre tres Humble &
tres obeissant Seruiteur
I A N D V H A M E L.**



AV LECTEUR:

LE bien du public, au service duquel ma profession m'engage entièrement, pour toute ma vie, m'a porté à faire cōnoître à vn chacun mes sentiments, de la nature & de la vertu de ces eaux, afin que ceux à qui elles peuuent dōner soulagement dans leurs infirmittez puissent, en estant bien instruits, s'en servir pour recouvrir leur santé, & retenir ceux qui en vsant mal apropos, tombent dās de grands inconueniēts, quelques fois des ma-

ladies mortelles, & la mort
 mefme. Ce motif auffi pur que
 defintereffé, me deuroit met-
 tre à l'abri de la mefdifance &
 de la calomnie, ny ayant rien
 fi capable de gagner le cocur
 & l'efprit d'un chacû, que de
 luy faire connoiftre qu'on luy
 veut du bien : Mais à moins
 d'une Loy semblable à celle
 des Atheniens, qui deffendoit
 de reprendre & fe moquer du
 premier ouurage, que quel-
 qu'un meroit au iour, non pas
 mefme d'une fable inuentée
 fur quelque nouveau fujet, ou
 perfonne au paravant n'auroit
 travail'é, afin d'animer par
 ce moien à vn chacun à entre-

prendre & continuer des services pour le public, il ne faut pas que l'espere d'eschaper les atteintes de la malice, & de l'imposture, dont les Esprits les plus ignorants & les plus mauuais, tâchent de se servir pour picoter & reprendre, ce que mesme ils n'entēdent pas. Car il semble qu'il suffit de faire quelque bōne action, pour attirer l'enuie & la ialousie de ces Esprits bas & infames, qui par vne gloire secrete, & vn amour propre, ne pouvant souffrir la vertu en autruy, tâchent, par le venin & le poissō de leur mesdisanse, d'infecter & noircir tellement toutes les

actions des autres, qu'ils les puissent rabaisser au dessous d'eux, autant qu'ils apprehendent de les voir releuez au dessus. C'est ce que vouloit fort biẽ dire Ipallus philosophe Pythagoricien, lequel estãt interrogé, ce qu'il faisoit respõdit, *Haëtenus nihil, vnde mihi non inuidetur.* Mais vn homme qui ne fait profession que de l'hõneur & de la vertu, mesprise leurs atteintes, & se cõtente de leur dõner le desmẽtir, par ses bõnes actions, & de voir que le pouuoir n'estant pas vni avec leur audace, si on ne leur peut oster la liberté de mesdire, ils ne peuuent pas empescher de

bien faire, que l'ignorance & l'enuie, s'attachent aux choses les plus releuées & les pl^r parfaites, que le plus Innocent & le plus homme de bien, peut estre accusé, mais le seul coupable conuaincu, & qu'enfin la reputation de ces personnes la, est le contrepoison de leur mesdisance, par ce qu'il ne s'ôt iamais creus; si ce n'est de quelques Esprits foibles & legers. Pour ceux qui trenchent des esprits forts, & qui tiennēt pour maxime de tout censurer & cōtredire, comme il se picquent de la raison, ie les prie, s'ils ne me veulēt pas faire grace de me rendre iustice, & de

considerer que i'agis en Medecin, qui dōne raison (cōme il doit) de ce qu'il dit, *Erubescat irrissperit sine lege, Medicus sine ratione*, qu'ils me traittent de me sme, & ne condannent rien que par raison, & que lors qu'ils penseront que ie m'abuse, ils se representent que souuēt on se ttōpe, faute de bien discerner la nature & les qualitez des choses, dou vient qu'on prēd l'ōbre pour le Corps, & l'apparence pour la verité, & que sursoit son iugement en chose douteuse, c'est faire en hōme sage, que ie cederé aussi tost à la verité, qu'il me la feront connoistre, & leur seré fort

obligé de m'apprendre quelque chose, mais que quand il se rencontreroit quelque partie deffectueuse, ce seroit malraisonné de conclure au tout. S'ils disent que ie ne parle qu'après plusieurs autres, qui ont traité des eaux minerales d'autres Fontaines, ie les prie de les bien lire, & ils sçauront que tout ce que ie dis, bien ou mal, est de moy. Et qu'au reste ils escoutent, ce que respondit Virgile à ceux qui luy reprochoient d'auoir pris quelques vers du vieil poëte Ennius, *magnorum virorum est,* (dit il) *Clauam extorquere de manu Herculis.* Pour le vulgaire, que

la faincantise porte à parler de tout, & en iuger selon sa fantaisie, par passion, par hasart, ou par ouy dire, ie tiens la maxime d'Horace, *Odi prophanum vulgus & arceo*. Ce n'est pas que ie ne fusse ravi de pouvoir cōtenter tout le monde, mais Dieu mesme ne le peut pas (dit Homere) dans le cours naturel des choses. Tellement qu'il n'y à rien que les gens d'honneur & de sçience que ie cōsidere, au iugement desquels ie me remets entiere-ment, pour sçauoir si ie merite vn bõ ou mauuais accueil, le blasme ou l'approbation.



DE LA
NATVRE ET
VERTV DES EAVX
MINERALES DE DINAN.

Chapitre Premier.



QUOY que Dieu
soit admirable
en toutes ses
œuvres, il n'y
en à neantmoins presque au-
cune, ou les secrets de sa tou-
te puissance, se facent mieux
paroistre, que dans la pro-

2 De la Vertu & propriété
duction des eaux, ou nous
remarquons tant de merueil-
les, qu'il faut dire haute-
ment, *Mirabilis in aquis Dominus.*
Yà il rien dans tout l'vniuers,
qui surprenne & qui eston-
ne dauantage, que l'agitation
& le mouuement perpetuel
de la mer? son Flux & Reflux.
& ses desbordements, qu'el-
le obserue reiglément, avec
autant d'ordre que souuent ils
causent de desordre? Com-
bien de grands Philosophes
ont donné la gesne & la
torture à leur Esprit, pour
en trouuer la cause, sans
rencontrer autre chose que
de quoy parer à l'aveu de leur
ignorance,

ignorance, plutost qu'a satisfaire à leur curiosité. Mais l'Océan est si vaste & si profond, qu'il ne faut pas s'estonner si leur esprit s'y efgare & s'y perd totalement. Que ceux qui veulent éviter le naufrage de cét abyfme, tournēt vn peu leurs pensées sur la source & l'origine des Riuieres, & des Fontaines. Les vns dirōt que c'est de la Mer, les autres du centre de la terre, les autres des pluyes; Etenfin Aristote s'efforcera de prouuer que c'est de l'air enclos dans les entrailles de la terre: Il n'y à neantmoins aucune de toutes ces opinions, ou il ne se trouue de la repu

gnance , & c'est ce que dit
l'Ecles. Ch. 33. *Intuere opera altis-*
simi & bina quæque videbis quorum
alterum repugnat alteri. Sans com-
prendre toutes les eaux en-
semble. Arestons nous vn peu
en la consideration de quelque
Fleuve ou Fōtaine particulie-
re. Sans parler de la cause du
desbordement du Nil , qui
poura trouuer son commen-
cement ? quiconque le cher-
chera, s'égarera, sans rien voir
qu'vn suiet d'admiration.

*Arcanum natura caput non prodidit vlli,
Nec licuit populis paruum te Nile videre,
Amouitque Sinus , & gentis maluit ortus,
Mirari , quam nosse tuos.*

Qui m'apprendra dou vient
qu'vn Fleuve dās la Iudée prés

de Syrie ne coule point le iour du Sabbath, dou il est nommé *Sabathicum*, comme rapporte Iosephus Iuif? Dou viēt qu'une fōtaine dela le Rhein près de la Mer, fait tōber les dēts à tous ceux qui en boient? En Sicanie vne autre Fontaine, dōt les Habitans se seruent cōme de bō vin-aigre. Prés du Mōt Cyllene, vne dont l'eau perce tous les vaisseaux dās laquelle on la met D'autres en Lybie chaudes depuis midy iusques à la minuit, & le reste du iour froides. En Poulōgne près de Cracouie, vne dans laquelle le fer se change en cuire rouge. En Sycile, la Camarine re-

muée, s'enfle & iette vne escume bruiante : Il y en à qui conuertissent les choses qui y sont iettées en pierre, d'autres brûlent & cōfomment tout, d'autres sōt des poisons, d'autres donnent de l'huile, d'autres vne liqueur cōme du vin, & vn grand nombre d'autres, plus admirables, qui passeroient pour fables, si ie les raportoïs en ce lieu. Qui sera assez habille & assez subtil, pour reconnoitre la cause de toutes ces merueilles ? Car de pēser auoir recours à ces qualités ocultes, qui sont (cōme dit Iul. C. Scaliger) l'azile de l'ignorance, quoy qu'en dise

Sēnerte, c'est folie cū vanité.
Il vaut bien mieux auoüer fiā-
chement, qu'ō n'en scait rien,
& reconnoitre ingenuement,
qu'il y à beaucoup de choses
dans les secrets de la nature,
dont Dieu s'est reserué la con-
noissance à luy seul.

*Multa t'git sacro inuolucro natura, neque vllis,
Fas est scire quidem mortalibus omnia: multa,
Admirare modo, nec non venerare, neque illa,
Inquire quæ sunt arcanis proxima, namque,
In manibus quæ sunt hæc nos vix scire putandum,
Est procul a nobis adeo præsentia veri.*

Mais sans nous aïester dauan-
tage a ces choses qui ont plus
de curiosité que d'vtilité. Ve-
nons à nostre suiet, & exami-
nons la nature, & les proprie-
tez des eaux minérales ou plu-
tost medecinales, qu'n'apor-

8 *De la Vertu & propriété*
teront pas moins de satisfaction, à ceux qui les examineront soigneusement, que de profit à qui s'en servira bien à-propos. Il y en a qui les relèvent, comme le grand Elixir des Philosophes, qui guarit & préserve de toute sorte de maladies: Tel est vn nommé de Rochas, qui depuis douze ans, en a escrit vn liure fort gros pour le suiet, ou parlant de leur composition, il dit, qu'elles passent par des mines de metal, qu'elles penetrent & dissoudent par le moien d'vn sel Hermetique, dont elles sont empreintes, & qu'elles ont receu d'vne terre

vierge, laquelle seule est capable de produire ce sel Hermétique, par le moien de l'Esprit vniuersel, qui descend du Ciel Empiré, comme vne vraye semence dans le sein de cette terre vierge qui en est la matrice. Voyla vne science aussi releuée qu'elle est profonde, s'estendant depuis le Ciel Empyré iusques au centre de la terre. Il faut que cét homme la, aye la veüe excellēte & bien perçante, pour apercevoir cét Esprit vniuersel tout au tra-
uers des Cieux, descendre du Ciel Empiré, & penetrer iusques au cētre de la terre, pour y voir la conception de cette

vierge. Pour leur vertu, il dit qu'elles contiennent L'encyclopedie de tous les autres medicaments, par eminence furnaturelle, qu'elles font toujours du bien, jamais de mal, guarissent les maladies incurables sans alterer, purifient sans corrompre, reparēt sans ruiner, preseruēt sans peril de toute sorte d'incommodeitez, que la Medecine n'a point de remede si puissant, si specifique ny si assure, par ce que les mineraux (dit il) contiennent eminentiellement la chaleur & la froideur, & agissent de cette sorte, selon la necessite du suiet, & font sa;

lutaies pour toute sorte d'indispositions, d'aages, de temperaments & saisons, à raison de l'Esprit vniuersel, dou viët que les eaux qui en participent ne sont ny chaudes ny froides, & incapables de toute sorte d'alteratiõ & corruptiõ. La preuue de cette belle sciẽce, est son autorité, par ce que cherchant des mines d'Or & d'Argent, il à trouué en fouissant cinq Fontaines, l'vne passant par vne minne de Soulfhre, l'autre D'alun, l'autre de Vitriol, l'autre de Nitre, l'autre de Fer : Et au dela des mines, cette terre vierge avec son sel Hermetique,

12 *De la vertu & propriété*
& la fin de sô liure, c'est la prise
des simples, non pas de ceux
qui croissent aux montagnes,
ou estoient ces pretendues
Fontaines, mais de ceux qui se
trouuent aux villes, car il dit
qu'il à fait grâde prouision de
ce sel Hermetique, avec le-
quel dissoudant les metaux,
par sa science & son industrie,
il fait de toute sorte d'eaux
minerales, propres pour rou-
te sorte de saisons & propor-
tionnées a la nature du mal &
de la persône malade, enquoy
il repare le deffaut de la na-
ture, qui n'est pas si sage ny si
sçauante. Et ainsi il deliure les
malades du soin & de la peine

d'aler au loin , chercher des eaux minerales, dont il raconte les miracles par les histoires de ceux qu'elles ont guari, sans parler de celuy qu'elles produisent en son endroit pour la santé de sa bource & la cōservation de sa personne, Si vous adioutez à cela des contes & des fables , vous aurez le contenu de son liure, ou il fait passer dās l'occasion, les Docteurs en Medecine pour des asnes, de sorte qu'il ne faut point chercher d'habiles gents, que ceux qui sont comme luy Medecins du Roy du petit cachet , ou Operateurs du Roy, comme ces dō-

14 *De la vertu & propriété*
neurs de billets sur le Pont
neuf, qui ne sont tous que des
vendeurs de Baume, qui n'ont
aucune estude non plus que
celuy cy , mais beaucoup
d'effronterie, de s'avancer à
proposer de telles choses sans
aucune preuve, que les plus
ignorants reconnoissent ridi-
icules , à raison dequoy ie
ne m'aresteré pas à les réfuter
expressément. Cela neant-
moins deçoit la populace, la-
quelle reconnoissant l'affron-
terie, s' imagine que toute la
medecine n'est qu'abus, qu'ar-
tifice & invention, pour tirer
& succher le sanc tant des vei-
nes que de la bource du peu;

des Eaux minérales de Dinan. 15
ple, par ce qu'ils ne sont pas
capables de discerner le vray
Medecin d'auec le faux.

D'autres passent a l'autre ex-
tremité, & disent que les eaux
ne sont capables que de faire
du mal, que lon en voit quan-
tité d'accidents funestes, froi-
deurs & debilitéz destomach,
hidropisies, cachexies, les
fieures, en vn mot, la mort.
Que les Medecins enuoient
aux eaux, lors qu'il ne sçauent
plus qu'ordōner aux malades,
pour se deliurer de leur im-
portunité. A quoy ie respons
qué ie montreé incontinent
que c'est vn excellent remède,
qui ne fait du mal que quand

On s'en sert mal apropos, qu'elles surpassent de beaucoup en vertules eaux communes, & que si les Empyriques, des le temps de Galien, enuoioient aux eaux, ne sachant plus que faire, il ne s'enfuit pas que les habiles gents en facent de mesme. Euitons ces extremittez vicieuses, & raschons de dire purement & simplement la verité, tāt qu'il sera possible; Ceux qui en ont escrit & qui en parlēt, se portent particulièrement à reconnoistre leur composition, & par quelles mines elles passent, & tiennent que les marques d'yne mine de Fer,

sont vne terre & argile, grassè
& legere, de couleur rougea-
tre, qui ne rent aucun son en-
tre les dents, vne odeur &
goust de roüille, & cōme l'eau
ou les Maréchaux esteignent
leurs fers, ce qui est cōfirmé,
si l'on à trouué des mines de
fer aux enuiron, comme à
Forges. Je ne doute point que
lon ne iuge par la, que ces
eaux de Dinan sont ferrugi-
neuses, cette terre s'y récon-
trant de la sorte, le climat de
la Bretagne estāt propre pour
les mines de fer, non pour
d'autres & le goust paroissant
tel, ainsi que nous auons dit.
Les marques du Vitriol, sont

le gouſt acré & picquant avec adſtriction & acidité, aſpreté, de tirer l'Efprit ou la teinture de pluſieurs choſes, purger, & noircir les excréments. Lon conclura encore de la , qu'il y à du Vitriol, comme lon dit auſſi de celles de Forges , que i'eſtime eſtre aſſeurement de meſme nature & de meſmes vertus que celles de Dinan , comme ie feré voir par le ſens, par la raiſon & par les effets. De l'odeur forte qui ſort de la Fontaine & de cette pellicule graſſe qui furnage , lon conclura encore qu'il y a du ſoulphre, eſtant vn principe des Chimistes

stes, que toute odeur & humidité oleagineuse prouient du soulfhre, & sachant la cōposition, l'on dōne à ces eaux les vertus & les proprietez des mineraux dōt ils participent. Iusques apresent ie n'ay encor veu personne qui n'ait tenu pour asseuré, que les eaux de Forges & de Belesme qui sont de mesme nature, tāt soit peu moins fortes, commē ie scay aussi pour y auoir seiourné, passent par des mines de fer, & par consequent il faut dire la mesme chose de celles de Dinan, & la pluspart estiment qu'elles ne participent que du fer, lequel ils tiennent aperi-

20 De la vertu & propriété des
tif & purgatif , spécialement
de l'humeur melancholique, à
raison dequoy les excrements
sont noirs , & qu'ayant son vi-
triol , & son soulfhre , il ne
faut pas s'étonner s'il se ren-
contre quelque chose qui cō-
vient à l'un & à l'autre. Pour
moy ie ne sçay ce que c'est que
de suiure l'exemple de ceder à
l'autorité , lors que i'y vois la
raison contraire, estimant que
c'est se dépouiller de la nature
& de la condition d'homme ,
pour agir en beste , que de fer-
mer les yeux à la raison , pour
suiure & faillir. Par exēple , &
ne faut point que le nōbre de
personnes d'aduis contraire.

nous oblige à en démordre , car nous voions qu'une infinité de choses qui passent parmi tout le peuple , pour des maximes & des veritez infallibles , ne se trouuent bien examinées que des abus & erreurs populaires , qui n'ont eu pour fondement que de fausses apparences. Et non seulement la populace se trompe souuent , mais les plus grands Genies de la nature se sont trompez , en beaucoup de choses. C'est pourquoy ie ne suis point de l'aduis , ny des Thomistes ny Scotistes , qui ne veulent iamais démordre de l'opinion de Saint Thomas & de Scot.

22 De la vertu & propriété des
Iurant in verba Magistri. C'est
assez de sçauoir qu'il la dit,
pour conclure donc il est vray,
mais ie suis du sentimēt de ces
Philosophes, qui disent, *Ami-*
cus Plato, amicus Aristoteles, magis
amica veritas. Je diré donc libre-
ment que ces eaux ny de For-
ges, ny de Dinan, ne sōt point
ferrugineuses, c'est à dire ne
prennēt leurs qualitez & leurs
vertus d'aucunes mines de fer
par ou elles passent. Car pre-
mierement pour tirer l'Esprit
& la vertu d'un metal ou mi-
neral, il faut le dissoudre ou re-
foudre. Quel est ce dissoluant
de cette mine de fer ? Nous
voyons que les plus puissants

dissoluant ne peuvent dissoudre le fer, estant trop crasse & trop terrestre, avec trop peu d'humidité, il ne peut qu'estre reduit en poudre, a quoy il est besoin du plus puissant agent, qui est le Feu, voyez si l'eau simple & pure passant par dessus, en viēdra à bout, de plus, elles n'en ont ny le goust, ny les effets, les effets du fer sont particulièrement d'estre adstringēt, resserrer & arester toute sorte de fluxions, & nō pas de lâcher & purger le ventre, comme font ces eaux, de bouscher & faire obstruction, & non pas d'estre aperitif cōme elles sōt. L'on me dira que

24 De la vertu & propriété des
nous auons vne poudre de fer
que nous apellōs le *Croc^o martis*,
qui est aperitiue, & purge
l'humeur melācholique, net-
toiant & vüidant la Ratte de
son humeur, d'où les excré-
ments sont noirs, déchargeāt
& fortifiant le Foye & toutes
les autres parties : A quoy ie
répons qu'entant que fer estāt
extreſmément terreſtre, il est
extreſmément adſtringent, &
la vertu aperitiue, luy est com-
muniquée du ſoulphre, avec
lequel estāt tout rouge, on le
reduit en poudre, & ſouuent
on le calcine encor pluſieurs
fois apres avec la quarte ou ſi-
xième partie de ſoulphre. Et

on luy donne cette preparation, afin qu'il puisse penetrer avant dans les parties, pour y communiquer sa vertu, qui est de resserer les fibres, & par consequent fortifier les parties, quoy que souuent on luy donne encor vn vehicul, pour le faire mieux penetrer. D'ou vient que le *Crocus martis*, que nous apellons adstringēt, n'étāt que le fer reduit en poudre par le Feu, sans soulfhre, est tout affait adstringent, & arētant les fluxions, par ce qu'il bousche & r'emplit les conduits & passages, & consume les humiditez, & ny l'vn ny l'autre n'est purgatif

26 *De la vertu & propriété des*
par les selles de soy , quoy
qu'il puisse bien, penetrant les
parties, Rate & foye , en les
fortifiant , faire qu'elles se dé-
chargent mieux de leurs ex-
crements & humeurs amas-
sées , qu'il atténue , & rent
plus propres pour estre vidées,
& les excrements ne sont
point noirs, à raison de l'hu-
meur melancolique qu'il pur-
ge , mais de l'Esprit vitriolique
qu'il leur a esté communiqué
par le soulfhre, quoy que cela
se remarque fort peu.

On dira qu'il a son vitriol,
comme tous les autres mé-
taux : Je respons qu'il en a si
peu , que cela n'est pas consi-

derable & sans effet, la partie terrestre estant de beaucoup superieure. D'ailleurs l'on a assez fouï le long des sources, des Fontaines, pour voir si on y trouueroit des mines de fer, comme l'on fit encor, depuis peu d'annees à Forges, par l'ordre du Roy, sans rié trouuer, de sorte que ceux qui en ont escrit, disent ventablement qu'il est plus aisé de reconnoistre leurs vertus, par leurs effets, que par leur cōposition, de laquelle on ne peut tirer connoissance que par coniecture. On dira qu'on à veu à Forges de la rouille de fer que l'eau entraine, cela ne

28 *De la vertu & propriété des*
conclut pas, car quand l'eau
passeroit par la mine de fer,
elle n'en prendroit pas la ver-
tu, pour les raisons que j'ay
dites, mais elle pouroit par-
ticiper de la nature & des
qualitez du fer, passant par
vne terre qui eust de la dis-
position pour le fer, qui ne
fut pas encor si endurcie, que
l'eau ne la peust dissoudre, &
penetrer. Ces eaux neātmoins
ou ne passēt point par vne tel-
le terre, ou passent par d'autres
choses encor, qui leur com-
munique leur vertu apéritiue
& purgatiue, que cette terre
ne leur peut donner. L'on di-
ra qu'avec l'eau forte l'on tire

Vn vitriol de mars , ie répons
que l'eau forte à du vitriol,
mesme sans parler du souldphre
qui luy en a donné, & a lors
par vne lexiue, aiant tiré le vi-
triol du mars aperitif, il est du
tout adstringent, le fer estant
tout composé de souldphre,
crasse & impur, disent les
Chymiques, avec fort peu de
mercure impur. Or la nature
de ces choses ainsi terrestres &
stiptiques, c'est de reserrer,
aussi pour arester les cours de
vêtre, & flux de sanc, nous
faisons estaindre le fer chaud
dans l'eau, pour boire & prē-
dre de la poudre de mars, pour
le goust, ceux qui y prendrōt

30 *De la Vertu & propriété des*
bien garde, connoïstront qu'il
n'est point du tout de fer d'eau
feriée & des forgerōs. Il sem-
ble donc qu'elles doiuent par-
ticiper , & prendre leurs qua-
litez de quelque mine de vi-
triol, duquel elles semblent
auoir le goust, l'odeur, & les
effets , estant aperitiues, de-
tersiues, purgatiues, & noir-
cissant les excrements. Mais
d'ou viēt qu'elles n'ont point
d'acidité , comme celles qui
passent generalmente, pour
participer du vitriol, comme
Pougues, Spa, Vicques & au-
tres. Pour résoudre cette dif-
ficulté & faire entendre mon
sentiment.

Il faut sçauoir que toutes les choses metalliques qui s'engendrent dans les entrailles de la terre , soient metaux , soient suc's minéraux , sont formez des mesmes principes, à sçauoir de soulfhre & de mercure , disent les Chimi-ques , par le moien de la chaleur Cœleste , ce qu'ils prou-uent, de ce qu'il se trouue tousiours dans les mines , du soulfhre & du mercure , & de ce qu'ils se tirent aussi de tout metallique. Aristote & pres-ques tous les Philosophes, re-connoissent pour principes , de tous les minéraux , des ex-halaisons & vapeurs meslées

32 *De la vertu & propriété des*
ensemble & reduites en mince-
ral par la chaleur Celeste, n'esti-
mant pas que le soulfhre &
mercure, puissent estre dits
principes, puisque ils sont cō-
posez eux mesmes de vapeurs
& d'exhalaisons. De quelque
façon qu'on le prenne, il est
constant, qu'estant composez
des mesmes choses, par vne
mesme cause, la diuersité ne
prouiendra, que de ce qu'il y
aura ou plus ou moins, ou de
ce soulfhre ou de ce mercure,
ou que la chaleur sera ou plus
forte ou plus foible. Par exē-
ple, s'il y a grande quantité
de gros soulfhre & bien peu
de mercure, il se fera du fer ou

cuiure, s'il se trouue beaucoup plus de mercure impur, ce sera du plomb ou estain, si du soulfhre & du mercure tres pur il se fait de l'or, or la pureté du soulfhre ou impureté prouiēt de la bōne coctiō, qui est differēte, suiuant la diuersité de la chaleur qui penetre dans cette terre, par le moiē des rayons du Soleil: Et cōme cette chaleur est pl^e forte ou pl^e foible, elle produit les mineraux pl^e ou moins parfaits. C'est la raison pour laquelle les parfaits metaux, commel'Or, ne s'engendrent que dās des païs fort chauts, nō plus que leurs principes, le bon soulfhre &

34 De la vertu & propriété des
& le plus pur , se fait par vne
grande chaleur , laquelle con-
somme l'humidité aqueuse &
la conuertit en humidité olea-
gineuse & grasse , qui conser-
ue & entretient cette chaleur
Cœleste , comme son propre
suiet , de sorte qu'il n'y auroit
point de generation des mix-
tes , s'il n'y auoit de l'humidi-
té grasse & oleagineuse , par
ce qu'il n'y auroit point de
chaleur Cœleste , qui est com-
me l'Esprit & l'Ame de tous
les corps composez. D'ou
vient que lors que par la natu-
re cét humide radical oleagi-
neus , ou aëré , perit , ou est se-
paré par l'air , le corps cōposé
pert

pert sont estre. il en est de meisme du vitriol que du soulfre le plus parfait, soit le Romain, soit celuy de Cypre, ne reçoit sa perfection, que par vne extreme chaleur, des raions du Soleil penetrants dans la terre, laquelle par vne meilleure coction, faisant vn plus parfait meslange de l'humide avec le sec, l'humidité deuient acide, subtile & de legeres parties, qui se communique aisément à l'eau; comme nous voyons de ce vitriol parfait de Cypre, dont l'acidité se remarque aussi tost à la langue ou liqueur dans laquelle il est mis; donc vient que les eaux

36 De la vertu & propriété
qui rencontrent & passent par
vn tel Vitriol, reçoivent aisé-
ment cét Esprit acide. Mais le
Vitriol imparfait que nous
appellons la Couperose, *Atra-
mentum sutorium*, n'ayant pas vne
coction si parfaite, est extres-
mément crasse & terrestre, &
son acidité ne se cōmunique
pas de la sorte, comme il se
voit par l'experience : Cela
ainsi supposé.

Je respons que cette eau
n'ayant pas cette acidité, ne
peut prendre ses qualités d'un
parfait Vitriol, puisque l'aci-
dité seroit la qualité, qui se
communiqueroit plus facile-
ment & plus notablement;

mais cela n'empesche pas qu'elle ne passent par vn gros Vitriol imparfait, qui est cette couperose, ne se remarquant aucune chose dans cette eau qu'elle ne puisse receuoir de ce mineral.

Ce qui s'aperçoit premiere-
ment, & le mieux, c'est son
goust; quiconque y prendra
bien garde, dans les plus gran-
des chaleurs ou il se manifeste
dauantage, remarquera qu'elle
à entierement le goust d'vne
eau ou lon auroit dissout de
l'encre; cela est reconnu de
tous, en celles de Forges. Il
sort de la Fontaine vne odeur
vn peu forte: Tous ceux qui

38 De la vertu & propriété
parlent du Vitriol, disent que
la ou il se trouue, il se remar-
que vne telle odeur. Ce Vi-
triol est purgatif & vomitif;
ces eaux sont de cette nature,
y ayant peu de personnes à qui
elles ne laschent le ventre, &
ne s'ensuit pas qu'elles ne soiēt
point purgatiues pour n'auoir
pas cēt effet en tous, car le
Sené Rhubarbe, ou autre purga-
tif, pris en petite quantité, ne
purgera pas ceux qui sont dif-
ficiles à esmouuoir, par ce
qu'il ne suffit pas pour purger,
de donner vn purgatif; mais il
en faut vne quātité suffisante
& proportionnée au suiet qui
doit estre purgé.

Pour la vertu vomitive, elle ne produit pas sō effet en tant de personnes, n'estant pas si forte, & ie masseure, qu'on dira que c'est à raison de la trop grāde quantité que quelques vns en prennēt tout d'un coup, ou la mauuaise dispositiō de leur estomach, que cela leur arive; mais quoy que ces choses le puissent causer en quelques vns, neantmoins il est asscuré, que ces eaux ont quelque qualité d'elles mesmes pour cēt effet, puisqu'elles le causent en beaucoup plus de personnes, que celles ny de Poucques, ny de Spa, qui l'arestent plus tost que de

l'exciter, & mesme resserrent le ventre, au lieu que celles cy le rendent libre : Dou vient que ceux qui boiuent des eaux à Spa, sont presque toujours constippez, ie sçay bien que l'estomach s'acoustumant à ces eaux, presque personne ne vomira passé les premiers iours; mais cela ne conclut autre chose, sinon que cette qualité vomitive est foible.

De plus ces eaux sont apertives, deterstives, penetratives, adstringentes & corroborantes, plus legeres & moins froides, que toutes les eaux communes; comme ie montreré incontinent : Tou-

tes lesquelles qualités , elles peuvent prendre de ce Mineral : Et pour le connoistre.

Il faut bien entendre ce que j'ay desia touché qui est que cette chaleur des Raions du Soleil , d'autāt plus puissante , qu'ils aprochèt du centre , parce qu'ils sont plus ramassez ; attenuant & rarefiant cette terre luy communique vne chaleur grande , & forme ces exhalaisons de nature ignée , lesquelles en l'absence du Soleil , sont condensées & ramassées par la froideur de la terre , sans rien perdre que la quantité ou extension qui est moindre ; de sorte que cette

chaleur qui estoit beaucoup estendue, estant ramassée & recueillie en peu d'espace, est beaucoup plus violente & plus active, suivant la maxime des Philosophes ; *Virtus vnita fortior est seipsa dispersa.* Cela se remarque dans le foudre du Tōnerre, qui se forme des exhalaisons condensées par le froid de la seconde Region de l'Air. Dās cette mesme terre l'Air qui penetre par tout, *cuncta permeabilis aer*, est reduit en vapeurs par ce mesme froid de la terre, & ce meslant avec ces exhalaisons, y forme les Mineraux, par le moien de la chaleur, tant du Soleil qui a-

git de nouveau, que de celle qui est cōtenue dans le Corps condensé, laquelle consomme peu à peu l'humidité aqueuse, & est entretenue par celle qui est aëriée ou oleagineuse, en laquelle mesme cette aqueuse se cōuertit. Suivant la diversité d'une ou plusieurs de ces choses, soit d'exhalaisons, soit des vapeurs, du mélange ou de la chaleur cōtenue se fait la diversité des Mineraux & de leurs temperaments, en sorte qu'il y à toujours de la chaleur contenue dans ces exhalaisons, & qui se manifeste dans cette partie que les Chymiques appellent sel fixe,

qui est de nature ignée, plus ou moins, selon la diuersité des Mixtes. Ce qui fait voir l'ignorance de ceux qui disent que les Mineraux ne sont ny chauds ny froids, & des autres qui veulent qu'ils n'aient aucune proportion avec nos Corps, & par consequent ne leurs puissent estre utiles. Il est vray qu'il y a tāt de disproportion de nos Corps aux choses qui n'ont point de vie, que nostre chaleur naturelle n'est pas assez puissante pour conuertir leur substāce en la nostre (dou vient que c'est vne resuerie de croire que cet Or potable, ny cēt Elyxir des Phi-

lofophes , qu'ils appellent ,
fust capable de reparer cōme
chantent tous ces souffleurs ,
la perte de nostre humide ra-
dical qui est la partie aérée ,
naturelle & innée de nostre
propre substance) Mais cela
n'empesche pas qu'il n'y aye
proportion de leurs qualités
tāt premières que secōdes par
le moien desquelles ils peuēt
alterer nos Corps & comba-
tre les qualités qui leurs sont
nuisibles. De tous ces Mine-
raux, il s'en trouuera fort peu
qui soient formez d'exhalai-
son plus ignées & plus brus-
lées que le Vitriol , dou vient
que ce sel fixe que les Chymi-

ques en tirēt est tout a fait corrosif & caustique, c'est à dire, bruslāt & noircissāt, car c'est le propre du Feu, de noircir les choses par ou il à passé, cōme nous voions le charbon. Il à aussi son Esprit de parties extresmément tēnues & subtiles, & rendues telles par le moien de la grande chaleur laquelle, comme i'ay dit, cōuertit l'humidité aqueuse en acidité, attenuāt & subtilisāt la matiere. Cēt Esprit est tellement penetratif, que c'est vn puissant dissoluant; car par sa subtilité sinuāt dās la substāce des corps par lemoié de sa seicheresse extresme,

il consomme cette humidité glutineuse, qui estoit comme le lië qui tenoit ces substāces diuerſes, mēſlées & comme enchainées les vnes avec les autres, qui estant deliurées de leurs fers & de leur prison, se ſeparent, & chacune tendant à son centre & son lieu naturel, les plus legeres prennent le deſſus, les plus peſantes le deſſous. Il est extreſmément adſtringent, tant par ce qu'il consomme l'humidité par ſa chaleur & ſeicheſſe, & ainſi reſiſte à la corruption & conſerue les Corps de pourriture, que par ce qu'il à ces parties terreſtres, qui reſſerrent &

48 *De la vertu & propriété*
corroboient. Dou vient que
plusieurs disent que le Vitriol,
à les vertus du Fer & du Soulf-
phre, ayant ses parties ignées
& subtiles cōme le Soulfphre
& terrestres comme le Fer, &
par consequent les qualités
qui s'ensuiuent des vnes & des
autres, dou viēt que Mathio-
le s'estonne comme estant si
chaud il est si adstringent, veu
que c'est le propre de la cha-
leur de dilater ; C'est pour-
quoy Galien dit que les seules
choses froides sont adstrin-
gentes. Cela estant, l'eau qui
participera de ce Vitriol sera
moins froide, plus aperiue,
adstringente, deterfiue, cor-

roborants que l'eau commune, aura la vertu purgative & tirera l'Esprit & la teinture de plusieurs choses comme fait le Vitriol; l'Eau doncques de cette Fontaine aiant ces qualités comme ie montre éincontinent, lon peut conclure infalliblement qu'elle les prent du Vitriol, non pas du parfait pour les raisons que i'ay dites, mais de ce grossier & imparfait qui est la couperose, car l'effet montre la cause, & la pluspart des choses ne se connoissēt point autrement, à *posteriori* (que nous appellōs) *nō a priori*, par ce que l'essēce de toutes choses, presque nous est

50 *De la vertu & propriété*
incōnue, & ie doute fort si elle l'est d'aucune, or est il que toutes cés vertus & qualités jointes & vnies ensēble, sont l'effet propre & particulier de ce mineral, & par consequent & c.

Ie scay bien que qui pouroit le séparer de l'eau, par le moie de la chymie & le rendre visible & sensible, comme ce de Rochas se vante d'auoir fait, on oteroit toute sorte de doute & de difficulté, & cōuaincroit on, ceux mesmes qui incapables de raisonnement, ne se conduisent que par le sens; mais ie doute fort si la substance entiere du mineral se communique

des Eaux minerales de Dinan. 51
munique, & croy qu'il n'y a
que les plus subtiles parties &
les qualités qui se communi-
quēt à l'eau, or il y a bien de la
difference de recevoir & par-
ticiper des qualités d'une cho-
se, & cōtenir la chose mesme.

C'est pourquoy la plus grā-
de faueur, que ie peux faire à
tous ces gents la, c'est de dou-
ter de ce dont ils se vantēt, &
leur promettre de le croire, si
tost qu'ils me le feront voir.
Pour satisfaire neantmoins à
la curiosité d'un chacun, i'en
ay fait distiler & calciner de
cette bourbe, sans auoir rien
peu remarquer, que comme
de vraye poudre de fer, sem-

52 De la vertu & propriété
blable au *Crocus maris*, qui est
encore vn grand indice qu'il y
à du Fer, ou terre disposée
pour le Fer, ioint toutes les
autres marques que nous a-
uons dites; & qu'à Forges ef-
fectiuement il y auoit des mi-
nes & des forges de Fer, que
la Bretagne n'est propre que
pour ce metal, car, *non omnis
fert omnia Tellus*, & qu'enfin
depuis fort peu de temps, il
à esté trouué vne fontaine de
la mesme nature en basse Bre-
tagne qui sort de la mine mes-
me.

Ce qui fait que ie tiens pour
asseuré, soit qu'il soit vray ou
non ce que plusieurs estiment,

que le Virriol soit le Pere ou Principe de tous les metaux, car tous les Chymiques ne demeurēt pas d'acort de leurs Principes ; ce qui est vne des gesnes & des croix de ces misérables chercheurs de pierre philosophale, les vns trauail-
lant sur vne matiere, les autres sur l'autre ; & ne faut pas pen-
ser subtiliser, pour dire que quelque mineral qu'on esta-
blisse pour principe des me-
taux, il sera toujours vray de dire, que le Souldphre & le Mercure feront ses principes, puisque tout mineral les con-
tient comme principes non composez ; car lors qu'ils esta-

blissent le Soulfre & Mercure pour principes ; ils n'entendent pas cet esprit & huyle non composez, par ce qu'ils ne se trouuent point separés des autres principes, le sel, la terre & l'eau, qui par consequent seroient semblablement principes. Je tiens dis-je, avec plusieurs, que le principe du Fer est la couperose ou vitriol grossier & imparfait, puisque nous en voyons toutes les marques, dās toutes ces eaux, avec les marques aussi de la mine ou terre disposée pour le Fer, tellement que le Fer ne se fait que de cette terre vitrioleuse, endurcie comme

il est ; or cette eau ne pouuant penetrer & dissoudre le Fer, comme i'ay dit, il faut qu'elle passe & prenne ses qualités de cette terre toute disposée pour le Fer, & toute vitrioleuse de ce vitriol imparfait , & ainsi l'eau se peut dire vitrioleuse & ferrugineuse , participant des qualités de l'un & de l'autre, mais plus du vitriol.

Quelqu'un dira si le Fer se faisoit ainsi d'une terre vitrioleuse , pourquoy ne retiendrait il pas les qualités purgatives & aperitives de son principe : Je respons que sortiāt de la mine , il les peut contenir, mais qu'elle se perdent par le

Feudes forges, ou il acquiert encore vne si grande dureté, que pour l'ouurir, il est besoin d'agents puissants, qui consomment ces parties plus ignées & subtiles, auxquelles sont attachées ces vertus & ces qualités.

Je me suis fort estendu sur le suiet de la composition, plus pour satisfaire a la curiosité de plusieurs, que pour sçauoir leurs vertus & leurs propriétés, lesquelles ie crois que ces raisonnements vont demontrer & faire cōnoistre sans difficulté.

Galien au Chap. 32. & 34. du premier des Simples, dit

que la vertu & facultés
Medic. se connoist par le sens,
& par la raison. Et Arist. au 4.
de sa Metaph. dit que le sens
ne se trompe iamais, vers son
propre obiet, lors que, &
l'obiet, & le sens, & le me-
dium sont en leur naturelle
constitution. Il est impossible
que les raisonnemens soient
faux, qui sont bien tirés de tel-
les connoissances des sens, ce-
la ainsi supposé, ie dis que ces
vertus & propriétés se mon-
tent infalliblement en cette
maniere, les sens dans vne
parfaite constitution, remar-
quent dans ces eaux, qu'elles
tirent l'Esprit & la teinture de

la noix de galle & autres choses, qu'elles ont vn goust austere, & comme d'encre, que nous expliquerons incontinent, qu'il furnage vne pellicule grasse, qu'il sort de la Fontaine vn odeur vn peu forte, qu'elle perd sa force à l'air & deuiēt cōme elementaire, que l'eau entraine vne bourbe rougeatre, qu'elle est plus legere beaucoup que l'eau commune, laquelle legereté d'eau (cōme disent les Medecins, ne se doit pas tant prendre à la balance, qu'à l'estomach & aux Hypocondres, ou lon ne la sent pas si pesante que les autres, par ce qu'elle ny re-

tarde pastât ; mais coule , passe & se descharge prōptement) qu'elle excite quantité de vapeurs à la teste, dou vient comme vn estourdissement, assoupissemēt & enuie de dormir , qu'elle purge , rafraichit tout le corps, excite l'appetit , fait ietter le graurier & le calcul à plusieurs qui en sōt trauaillez , deliure & preserue de quantité de maladies que nous dirons.

De ces connoissances asseurées des sens , on en tire celles cy qui sont infallibles ; cette eau n'est pas pure & elemētaire , & ces qualités ne sont pas essentielles à l'eau pure ,

par ce que les qualités ne sont pas essentielles, qui ne proviennent pas du temperament ; or est il que ces qualités ne proviennent pas du temperament de l'eau commune , qui est exempte de toute couleur , odeur & saveur , qui sont des secondes qualités , qui ne proviennent que du mélange des quatre premières qualités ; or est il que chaque Element n'en a que deux ; sa qualité principale est le froid , ce qui se connoist , par le sens , par les effets & par son goust, qui est austere, puisqu'asseurement elle n'est pas insipide & sans goust , comme l'eau Element

taire ny acide qui à beaucoup plus de parties terrestres & de seicheresse que d'aqueuses & d'humidité, & l'austere au cōtraire; elle n'est ny acide, salée, acre, amere, fade, douce ny oleagineuse, & par consequent austere, puisqu'il ny a pas d'autre goust que ceux là, or est il que la froideur & humidité domine aux choses qui ont tel goust; elles sont neantmoins moins froides, puisqu'elles participent de la chaleur, tout ce qui à goust aiant de la chaleur, leur odeur le montre aussi, toute odeur provenant de la chaleur, cette pellicule grasse semblablement

ne se faiſāt que par la chaleur
comme i'ay montré, la bour-
be rougeatre de meſme, qui
ſe fait comme de l'eſcume a la
rencontre de cette eau, avec
cette terre chaude ; ces ef-
tourdiſſemens qu'elles cau-
ſent le montrent auſſi , puis-
qu'ils prouiennent de quel-
ques Eſprits ſubtils, chauds &
& fumants , qui ſ'exhalent,
comme on peut voir l'eau ex-
poſée à l'air. Comme c'eſt le
propre de la chaleur d'atte-
nuer & rendre la matiere plus
legere & pl⁹ ſubtile , ces eaux
par ſon moyen, ont encore
ces vertus plus que la commu-
ne, dou vient que par la ſub-

tilité de ses parties , elle tire la
teinture de plusieurs choses ,
estāt aperitiue & penetratiue.
Elle est enfin adstringente,
puisqu'elle à des parties terre-
stres , comme son goust le fait
voir , estant composé de par-
ties terrestres & plus d'aqueu-
ses , & comme on voit quand
elle à long temps reposé en vn
vaisseau , ou l'on trouuera au
fond vne terre blanche & le-
gere , & c'est cette terre qui
mescée avec les excremēts les
noircit ; dou vient qu'estant
separée , l'urine est beaucoup
plus claire que quand on la
beüe , pourueu qu'elle ne
trouue pas dans les passages

64 *de la vertu & propriété*
d'humeurs avec qui elle se
mefle : Pour conclusion elle à
infalliblement trois qualités
& vertus admirables pour yn
medicament , de rafraichir ,
purger & refferrer , & par cō-
sequēt fortifier , par le moien
desquelles elle déliure fans
dommage ny incommodité ,
& preſerue de toutes les ma-
ladies contenues au Chapitre
ſuiuant.

Le ſens infalliblement re-
marquera toutes les meſmes
choſes dans celles de Forges ,
& la raiſon tirera les meſmes
connoiſſances , & les effets ſe
remarqueront du tout ſem-
blables , & par conſequent

ces eaux sont du tout de mesme nature & mesmes propriétés pour les eaux de poucques Spa & autres eaux acides, elles sont différentes de celles cy du plus au moins, par ce que par le moien de l'acidité elles sont beaucoup plus aperitives, penetratives, detensives, incisives & attenuantes & moins froides, & ce par ce qu'elles ont beaucoup plus de parties subtiles, chaudes & d'esprits; dou vient que lon voit ces Esprits petillants & sautant hors du verre qui sera emply sur le bord de ces Fontaines, de mesme que nous voyons dans les vins subtils &

66 *De la vertu & propriété*
delicats, comme le vin Daï,
lesquels Esprits s'exhalēt prō-
ptement sur le bort de la fon-
taine mesme, aiant leur sortie
libre dans le verre, & laissent
l'eau insipide & sans goust; or
il faut sçauoir que plus vne
chose est spirituelle, plus elle
est active, & c'est à raison de
la ressemblance seulement
qu'ils ont avec les choses spi-
rituelles, en ce qu'ayant fort
peu de matiere, il ont beau-
coup de vertus que ces parties
plus subtiles, sont appellées
Esprits, tout ce qui fait partie
d'un Corps estant materiel,
car les choses vrayment spi-
rituelles, n'ont du tout point
de matiere

de matiere, & beaucoup d'actiuité, & plus vne chose est materielle, elle est moins agissante, & plus capable de recevoir l'actiō: C'est pourquoy ces eaux ont beaucoup plus de vertu que les autres.

Car aiant plus grande quantité des ces Esprits ou parties subtiles, elles sont plus aperitiues, & penetrēt bien mieux dans la substance de toutes les parties, pour y communiquer leur vertu rafraichissante, pour dissoudre les humeurs crasses & espoisses, qui y sont contenues, & les conduire par les voies de l'vrine, la ou quelques fois ces eaux ne

peuvent auoir d'effet, par ce que n'estant pas assez subtiles & penetratiues, elles trouuēt les conduits trop estroits ou bouchez, & ne peuvent penetrer & dissoudre les humeurs trop crasses & endurcies, ce qui fait qu'elles sont retenues & croupissant elles estaignent la chaleur naturelle & causent tous les accidents que nous dirons en l'autre Chapitre; mais les eaux acides & specialement de Spa ont tant de force & de vertu que rien ne leur peut resister, & au lieu de causer l'Hydropisie elles la guarissent, pourueu que la chaleur du foye ne soit

pas esteinte & son humide radical consommé; car alors il n'y a pl^r de remede, par ce que *a priuatione ad habitum non datur regressus.* Elles ne croupissent aucunement dans les entrailles, au contraire passent si promptement que cela estonne & font rendre plus d'eau que lon n'en à beu, nettoient les vlceres, emportent le grauiet & toutes les humeurs d'une telle sorte, qu'il semble qu'on en ressent l'effet par tout le corps sont moins froides que celles cy, consomment dauantage les humidités superflues, & ainsi resistent plus encore à la corruptiō & nuisēt moins à la

70 *de la vertu & propriété*
chaleur naturelle. Cette plus
grande subtilité de parties &
d'Esprits se fait par la chaleur
plus grande, qui conuertit
l'humidité aqueuse en acidité,
& la saueur acide ne differe de
l'austere, qu'entant que la cha-
leur plus grande, attenuant &
subtilisant les parties & sepa-
rant les plus crasses & les
plus terrestres, la saueur auste-
re passe en acide, l'acidité estât
avec vne matiere legere & de
parties subciles, ou l'humidité
& la froideur domine par des-
sus le chaud & le sec; tellemēt
que i'estime que ces eaux de
Spa, ont autant d'auantage
pour leurs vertus, au dessus de

celles de Forges & de Dinan, que celles cy, au deffus des eaux communes, & lon à remarqué que celles de Spa portées à la fontaine de Poucques auoient encore plus de force beaucoup, que celles que lon puisoit à la Fontaine mesme. Celle cy ont neantmoins cet aduantage sur celles de Poucques & Spa, qu'estant plus purgatiues, elles chassent mieux les grosses humeurs, ont plus de vertu pour les ventres resserrez, & les rendent plus libres, qui est vn grand bien & vn grand aduantage pour plusieurs

Pour les eaux communes;

elles ont biē la vertu de rafraichir autant que les minerales, mais elles sont plus crasses & plus terrestres, n'estant pas attēnuées & rēdues subtiles par les mineraux, & ainsi n'estant pas aperitives & penetrantes, elles croupissent dans le corps refroidissent trop & esteignent la chaleur naturelle, humectent toutes les parties & ainsi relaschent leurs fibres & ostent par consequent leurs forces, enflēt le ventre & pesent à l'estomach, se meslant avec les humeurs causent mille maladies. Il y à neantmoins de certains corps, qui n'ayant pas de mauvaises humeurs a-

des Eaux minerales de Dinan. 7

massées mais les passages grāds
& libres, se trouuent fort bien
de l'vsage des eaux d'vne bon-
ne & claire Fontaine, qui sont
mesme attenuées par les raiōs
du Soleil, enquoy elles diffe-
rent des eaux de puits, & de
celles des estangs, qui crou-
pissant se corrompent.

Nam vitium capiunt ni moueantur aqua.

Mais il ne s'ensuit pas pour cē-
la, qu'elles aient autāt de ver-
tus que les eaux minerales,
comme ont voulu dire quel-
ques vns.





*DES MALADIES AUS-
quelles elles peuvent donner soula-
gement & guarison, ou nuire
& causer de mauvais
accidents.*

CHAPITRE II.



A principale ver-
tu & qualité de
ces eaux mine-
rales, & qui do-
mine par dessus toutes les au-
tres, c'est de refroidir, celle
qui la suit est la purgative, &

cōme c'est vne maxime, non seulement dans la Medecine, mais dās toute la Philosophie, que les contraires sont guaris par leurs contraires; il s'en suit necessairement que ces eaux seront tres salutaires & vn excellent remede, pour toutes les maladies de chaleur estrangere & excessiue, ou de mauuaises humeurs, ou de tous les deux ensemble, pourueu qu'elles soient, ou dans les parties par ou elles passent, ou causées, ou entretenues de celles la, autrement, elles ne peuuent donner aucun soulagement. De sorte qu'il n'y a point de si excellent remede,

pour les maladies prouenuës de la bile, laquelle cause mille desordres & maladies lors qu'elles peche en quantité ou qualité, elle eschauffe & met le Feu en toutes les humeurs & toutes les entrailles, desseiche le corps, & consomme l'humidité radicale, empesche toutes les fonctions & fait toute sorte de maladies diuerses suiuant la diuersité des parties ou elle se décharge principalement; dans l'estomach, elle empesche la coction qui demande comme toutes les autres fonctions vne chaleur modérée, elle le desseiche ou relasche ses fibres, s'il y a de

l'humidité, comme la chaleur attire toujours la fluëtion. Le deffaut de cette premiere coëtiõ ne peut iamaïs estre réparé, dou il s'ensuit vn mauuais sanc & mauuaife nourriture, & amas de mauuaifes humeurs, dou toute forte de maladies, toute forte d'humeurs & de nourriture, se corrompant facilement par vne chaleur excessiue, dou vient que lon dõne dans la fieure le moins de nourriture que lon peut, cause les douleurs d'estomach, pōinçonnemēts & maux de cœur, la soif inmodérée, les amertumes, chaleurs & seicheresse de la bouche, des rots, des

hocquets, prouenantz quelques fois d'humeurs acres & bilieuses, les vomissements, le *Cholera morbus*; dans les intestins, les coliques, les dyssenteries & inflātions; cette bile dans le foye y cause la foiblesse, l'empesche de faire vn bon sanc, l'inflātion & les douleurs de costé; bruslant les humeurs, elle fait les obstructions, deu toute sorte de maux & d'accidents, consomme son humidité radicale, y fait les scirrhes, & enfin les hydropisies; se ietant dans les veines, cause la jaunisse, les fieures ardentes, & autres bilieuses, & rent le corps hecti-

que ; dans la ratte , les batte-
mēts & douleurs, les tumeurs
& les scirrhes, rendant les hu-
meurs seiches & brusleés ; dās
les conduits de l'vrine , les
chaleurs, douleurs, inflamma-
tions, & vlceres de reins, de
la vessie & autres passages, les
ardeurs & difficultés d'vrine,
le pissement de sanc, l'incon-
tinence d'vrine, la grauelle &
lapierre, croupissant dās quel-
que partie des entrailles, y fait
fieures intermittentes , dās
les parties servant à la ge-
neration, elle desseiche, brus-
le & consomme la semence,
eschauffe ces parties la & ainsi
empesche la generarion qui

80 *de la vertu & propriété*
requiert vne moderation en
toutes choses, les suffocatiōs,
inflammations & vlceres de
matrice, fleurs blanches, pas-
les couleurs, gonorrhées, per-
tes de sanc trop grandes, sup-
pression des purgations, auor-
tements; & bien que la bile
souuent ne soit pas pure, mais
mesclee avec peu ou beaucoup
d'autres humeurs, il n'import-
te pour le suiet, si elles sont
causées d'une chaleur exces-
sive du ventre inferieur, ou
de quelqu'une de ses parties,
ou que les humeurs mesmes
eschauffées; communiquent
une chaleur estrangere à tout
le corps, ou quelqu'une de

ses parties; car pour chasser le mal estant besoin de son contraire, ces eaux seront propres pour toute chaleur desreiglée & contre nature. Ces humeurs ou la trop grande chaleur du sanc seulement portées au cerueau, y causent de toute sorte de maladies; les douleurs de teste, veilles, la priuation ou diminution des fonctions de l'Esprit, diuersement suiuant la diuersité de la partie du cerueau malade, de la qualité, quātité ou meslange des humeurs, les vertiges, epilepsies, apoplexies, lethargies, convulsions, phrenesies, manies & c. le cerueau se des-

chargeant de ces humeurs qui y ont monté par la chaleur excessive du foye ou autres parties, laquelle reduit tout en vapeurs, cause des maladies sur toutes les autres parties, sur les yeux, de toute sorte, iusqu'à la perte de la veüe ou de la vie mesme; aux oreilles, les chaleurs; tumeurs, vlcères, tintouïns & sourdités; les saignemēts & autres accidēts du nez, douleurs des dents & autres maladies de la bouche & de la gorge, dans la poitrine, les rheumes, inflammations & vlcères du poulmon, pleuresies, palpitations & de-faillāces de cœur, les douleurs & fluxions

sur toutes les parties, les goutes aux iointures, les tumeurs, vlceres, les gales, dartres, erysipeles, les clous, la taigne & autres maladies de la peau prouenant d'humeurs acres & bilieuses, chaleurs de sanc comme les rougeurs & pustules du Visage.

Bref il y a fort peu de maladies qui ne soient ou de trop de chaleur, ou causées, ou accompagnées d'humeurs eschauffées ou enflammées, lesquelles communiquent leur intemperie à la substance ou de tout le corps, ou de quelque partie, & luy ostant par ce moien sa complexion na-

turelle l'empesche de bien faire sa fonction, & au lieu de bonnes humeurs, les parties naturelles en produisent de mauuaises, desquelles il se fait amas dans le ventre si grand quelque fois, que la chaleur naturelle en est esteinte & suffoquée, & c'est par ce moien que se fait la pluspart des Hydripisies.

L'vsage de ces eaux esteint cette chaleur estrangere tant des parties que des humeurs, lesquelles estant retenües par ce Feudu foye & des entrailles & tellemēt espoissies & attachées aux parties qu'elles ne pouuoient estre vüidées, sont

ramollies, humectées, refroidies, penetrées, rendues plus subtile, ou dissoutes & detrempées & poussées dehors par les voies de l'vrine ou par les selles, l'eau fortifiât les parties par son adstrictiõ les restablit dans leur constitution naturelle pour bien exercer leur fonctions, ce qu'à peine peut faire vn medicament purgatif, par ce qu'il communique toujours quelque chaleur estrangere au corps, au lieu d'esteindre celle qui y estoit imprimée auparauant : C'est pourquoy l'vsage frequent des purgatifs est tres mauuais, specialement aux bilieux, par

ce que, quoy qu'ils purgent les humeurs qui apportoient de l'incommodité, par cét empyreume qu'ils laissent, il s'en engēdre toujours de nouveau iusques à ce que cette chaleur soit esteinte; c'est ce qui fait que plusieurs se purgent & languissent continuellement; tellement que les seuls purgatifs ne peuvent guarir les maladies, que lors que l'indisposition ou intemperie n'est pas imprimée bien auant & de longue main dās les parties, mais seulement lors que l'humeur commençoit à la communiquer, de sorte que l'humeur ostée qui estoit la cause, l'in-

temperie cesse , autrement il est besoin d'alteratifs ; & c'est pourquoy nous voions que les eaux minerales emportent quantité de maladies que nous appellons rebelles, par ce qu'elles n'auoient pas voulu ceder aux autres medecaments.

La chaleur excessiue d'une seule partie apporte du desordre à toute l'economie du corps , specialement de celles qui seruent à la nutrition , car cette chaleur debilitte la partie , & par consequent l'empesche de bien faire sa fonction , tant par ce qu'elle consomme ces Esprits qui donnēt

la force & son humidité radicale, que par ce qu'elle attire la fluxion attenuant & fondāt les humeurs des parties prochaines qu'elles reçoit sans s'en pouuoir descharger; & ainsi les humeurs croupissant se corrompent, infectent toutes les parties du corps, causēt les defaillances, les douleurs de teste, allument souuent les fieures, la partie s'enfle & fait douleur si elle est capable de sentimēt, s'y fait abcez ou dureté & scirrhe si l'humeur se cuit & s'endurcit la chaleur estant esteinte & l'humeur radicale cōsommée; de sorte que la partie ne peut

plus attirer la nourriture ou la
côuertir en sa propre substâce
& chasser les excrements;
nous remarquons cela fort
souuent dans ceux qui sont
melâcholiques de leur tempe-
rument, qui ont la rate foible,
de telle sorte qu'elle ne fait
pas bien sa fonction, dou il
arriue tous les accidents que
nous auons dits; elle se destâ-
che mesme quelque fois &
descēt fort bas, comme ie lay
veüe à vne Dame de condi-
tion descendue de la sorte
iusques sur la matrice par sō
pois qui estoit de cinq liures,
dequoy après auoir languy
plusieurs années elle mourut,

ce qui n'est pas rare, si ce n'est pour vn tel pois. Cette rate ne se deschargeant pas de ces mauuaises humeurs, par les voies ordinaires, cette humeur grossiere se descharge dans l'estomach & y cause des vents & des crudités ou dās la masse du sanc dont il doit estre separé, & le rēt si grossier qu'il cause les obstructions & fait toutes les maladies qui prouiennent de l'humeur melancholique, rendant les hommes tristes, chagrins, resueurs, timides, deffians, hypocondriacques à raison de la froideur de cēt humeur grossiere & ter-
re, lequel yenant à s'enflā;

mer cause mille accidents estranges & malins, & toute leconomie du corps est pervertie & en desordre; car enfin c'est comme vne Horloge; toutes les parties conspirent & seruent à mesme fin, aiant toutes besoin les vnes des autres, de sorte que si la moindre rouë, le moindre ressort à quelque deffaut qui empesche son vsage, toute l'Horloge est en desordre, il en est de mesme entierement de nostre corps. Il n'y a point de remede si excellent pour cela que ces eaux minerales, pourueu qu'elles aient assez de force pour penetrer dans la substan-

ce de la partie malade, elles arrestent par leur froideur la fluxion tant en la repoussant qu'esteignant la chaleur estrangere, fortifie par son adstriction & aide à la partie à se descharger de l'humeur amassée, & empesche qu'elle ne se rengendre comme nous auons dit. Non seulement ces eaux deliurēt de ces maladies, mais en preseruent, & d'autres mesme qu'elles ne peuvent guarir, par exemple elles ne guarissent pas la goutte ny la paralysie, par ce qu'elles ne sortent point hors du ventre inferieur, & par consequent narriuent pas iusques aux ioin;

tures & aux nerfs ou sont les humeurs amassées qui causent ces maladies, mais esteignant la chaleur excessiue des entrailles qui peut causer l'abondance d'humeurs superflues, & purgeât celles qui s'ont desia amassées elles osteront la cause de ces maladies, & par conséquent son effet, on peut dire aussi par ce moyen qu'elles guarissent celles qui sont formées, en tant qu'elles empêchent leur augmentation & entretien par de nouuelles fluxions, & ainsi des autres maladies qui n'estant pas dans le bas ventre par ou passent ces eaux en prennent neantmoins

leur origine & leur entretien, c'est pourquoy ceux qui sont suiets à telles maladies s'en trouueront soulagez.

Ceux mesme qui se portent bien en prenant bien a propos durant les grandes chaleurs, s'exempteront des incommodités qu'elles apportent & des maladies qu'elles ont accoustumé de causer ; ces chaleurs excessiues de l'Esté ouurant les pores donnēt sortie & dissipent tous les Esprits ; dou viennent les grandes foibleses que lon ressent, desseichāt, elles excitent les alterations, les desgoutements, les veilles & estouffements, debilitent

tellement que lestomach ne peut faire la digestion, ny les autres parties leurs fonctions, eschauffant les humeurs & tout le corps, causent les saignements du nez, crachemens de sanc & les vomissemens, les fieures ardentes & autres bilieuses & c.

L'eau par sa froideur faisant resserer la chaleur naturelle, la rent plus forte & vigoureuse, empesche la dissipation des Esprits, & par ce moien fait que toutes les parties font bien leurs fonctions, & ainsi exempte des incommodités & des maladies qui eussent peu arriuer, non seulement

56 *De la vertu & propriété*
en l'Esté, mais meisme en l'Aut-
tōne, car la pluspart procede
en premier lieu de la foiblesse
de toutes les parties que cette
chaleur excessiue excite com-
me i'ay dit ; de sorte que les
fruits & autres aliments de la
saison ne pouuant estre bien
cuits & digerez, l'estomach
& toutes les autres parties
estant débilitées, il s'engendre
quantité de mauuaises hu-
meurs augmentées par la con-
stitution pluuieuse de l'air, les-
quelles s'enflamment aise-
ment tant par leur demeure
dans le corps que par l'empy-
reume ou chaleur estrangere
que celle de l'Esté y à imprimē

méc. L'usage de l'eau aiant
empesché cette premiere cau-
se comme j'ay montré, pré-
serue par consequent de tous
ces accidents, sans peine &
sans incommodité & dans vn
temps ou tous les autres
medicaments purgatifs sont
dangereux à raison de leur
chaleur

Si ce remède n'auoit rien à
aprehender, estant capable de
si bons effets que j'ay montré,
on ne le pouroit iamais assez
releuer & publier ses merueil-
les, mais s'il peut donner la
vie, guarir & preseruer de tāt
de maladies & d'incommodi-
tez, il est encore autant capa-

ble de donner la mort, d'exciter & entretenir mille accidents funestes, car il ny a remede qui ne puisse nous apporter de l'ytilite ou incommodité, suiuant la bonne ou mauuaise applicatiõ que nous en faisons. L'eau est contraire au principe de la vie qui est la chaleur, l'esteignant elle oste la vie, & quelque bon effet qu'elle puisse auoir, elle fait toujours quelque tort & diminue en quelque faõ cette chaleur naturelle, car quoy qu'elle resiste & surmonte la froideur de l'eau, elle souffre toujours de l'eau qui agit contre elle, car c'est vne maxime
des Philosophes

des Philosophes que, *omne corpus agendo repatitur*, dequoy il ne faut pas s'estonner puis qu'il semble qu'il n'y à aucun bien sans mal, que les contraires s'entre suivent ou sont melez les vns avec les autres, la ioie est meflée ou suivie de la tristesse, les douceurs ont souuent de l'amertume, les roses mesme ne sont pas sans espines.

Medio de fonte leporum,

Surgit amari aliquid quod in ipsis Floribus argat.

C'est pourquoy avant que personne vse des eaux, il faut bien connoistre si elles apporteront plus de profit que de dommage ; en quoi il faut

ſpecialement conſiderer le tēperament , eſtant preſque impoſſible qu'elles ne nuſent pl⁹ aux pituiteux, qu'elles ne leurs peuuent iâmais cauſer de bien & de commodité , par ce que la pluſpart de leurs maladies & de leurs incommodités ne prouiennent que du defaut de leur chaleur naturelle qui eſt ſi foible en eux , qu'elle n'eſt pas ſuffiſante pour bien faire les fonctions de la vie, & par conſequent les eaux diminuant cette chaleur naturelle peuuēt beaucoup nuire à leur vie & à leur ſanté ; au contraire il eſt fort difficile qu'elles ne profitent beaucoup aux bi-

des Eaux minerales de Dinan. 101
lieux desquels la chaleur trop
grande, consomme trop tost
l'humidité radicale, & ainsi
rent leur vie plus courte, &
engendrant quantité de bile
cause tous les accidents que
nous auons dit; ces eaux par
leurs qualités contraires sont
comme le frein & le correctif
de cette chaleur & de cette
bile, & par consequent le re-
mede de toutes les maladies
qui en prouiennent

En suite il faut bien con-
noistre la constitution de l'e-
stomach, car si elle est froide
par diminution de la chaleur
naturelle & consommation de
l'humide radical, cōme cette

eau y est receüe avec toute sa froideur & sa force, elle agit & diminue plus puissamment cette chaleur naturelle & met l'estomach en vn estat qu'il ne peut plus faire la digestion, dou il s'ensuit vne iliade d'incommodités & de maladies & enfin la mort; c'est pourquoy en ce cas il faut absolument s'en abstenir, quelque necessité qu'en aye vne autre partie, par ce que le mal seroit toujours plus grand que le bien qui en pouroit reuenir, mais si la froideur ou debilité & defaut de sa coction ne prouiēt que des humeurs froides qui s'y iettent de quel-

qu'autre partie des entrailles ou tombent du cerueau, dont il est affoibli & ses fibres humectées, pourueu que la cause de ces humeurs soit la chaleur excessive du foie & des entrailles, cōme il arriue fort souuent ; par ce que cette grande chaleur consommant toute son humidité, attire cōtinuellement, & ne donne pas loisir à l'estomach de cuire les aliments, les raut à demi crus, & s'echauffe encore davantage à les cuire, brusse les plus subtiles parties & les cōuertit en bile, les plus grosses en pituite & sont portées, reduites en vapeurs, au cer-

veau dou elles retombent dās
l'estomach qu'elles affoiblissent
& sur les autres parties
comme il à esté expliqué, &
c'est de cette façon que lon
doit entendre que l'estomach
est d'ordinaire froid quand le
foie est chaud, estant bien
difficile que les parties sper-
matiques de mesme nature
comme sont les fibres & les
menbranes du foie & de l'e-
stomach, qui sont engendrez
des mesmes parties de la se-
mence, nourries & entrete-
nues du mesme sanc & des
mesmes Esprits, puissent estre
de leur constitution, les vnes
chaudes, les autres froides.

Les eaux estant à lors la cause de cette froideur & debilité, seront tres vtilles. Enfin si le mal n'est dans le bas ventre ou causé & entretenu d'iceluy, les eaux ne peuuent apporter que du dommage, par exemple si la trop grande froideur du cerueau est cause de sa foiblesse & des humeurs qui s'y amassent, y causant des maladies & sur toutes les autres parties ou elles se deschargent, les eaux par leur froideur augmenteront la cause, & par consequent tous les accidens, & lors qu'une partie demande l'usage des eaux & qu'une autre y repugne, il faut

bien examiner lequel sera plus grand ou du bien qui en reuiendra ou du mal qui en naistra ; & pour cét effet iamais personne ne doit s'aduancer à en prendre sans l'aduis d'un Medecin qui puisse bien connoistre & faire la difference de toutes les choses qui peuuent arriuer.





COMMENT ON DOIT V-
ser des Eaux minerales & se gou-
uerner en les prenant.

CHAPITRE III.



On seulement
 les eaux par leur
 froideur peuuēt
 nuire & causer
 de pernicioeux accidents, mais
 mesme par le mauuais vsage
 que lon en peut faire; de sorte
 que plusieurs s'en trouuent
 fort incommodez & leurs
 maux augmentéz ou accreus

d'autres pires , pour en auoir mal vsé, qui eussent peu recourir leur sāté ou du moins estre fort soulagez, si en les prenant ils auoient obserué ce qui est necessaire. C'est pourquoy après auoir reconnu qu'elles sont ytiles & profitables aux incommoditez dont on est trauaillé, il faut sçauoir le temps propre pour les prendre, la quantité qu'on en doit boire, la preparation necessaire, le regime de viure tant avant que de les prendre qu'en les prenant & après les auoir prises.

Pour le tēps, il faut sçauoir qu'il y a le temps de commo

dité & le temps de necessité, le temps de commodité est lors que les eaux ont plus de force & de vertu, & que la constitution de l'air est assez chaude pour les pouuoir aler boire sur le lieu sans auoir froid, & c'est d'ordinaire dās lestrois mois de l'Esté, car il faut que la terre soit eschauffée & attenuée par les chaleurs qui ont precedé durant quelque temps, afin que les eaux puissent mieux penetrer & prendre les qualités des choses par ou elles passent, c'est pourquoy comme les chaleurs sōt tantost plus aduancées, tantost plus reculées; la saison de

prétre les eaux ariue plutoſt ou plus tart , comme cette année qu'elles ne pouront auoir de force que ſur la fin de Iuilet au plus toſt.

Le temps de neceſſité eſt lors que quelqu'indispoſitiō, cōme de grāds vomiffements de bile ou de ſanc , des coliques bilieufes ou graueleufes, ne permettent pas d'attendre le temps commode , il en faut prendre ſoit dans le lit , ſoit dans la chambre eſchauffée de forte que lon ne reſſente aucune incommodité du froid.

La quantité doit eſtre entièrement diuerſe ſuiuāt la diuerſité de la conſtitution ou tem;

peramēt de ceux qui en vsent,
de la force & cōstitution de l'e-
stomach, de la nature du mal
& de la partie malade, enquoi
manque presque tout le mon-
de qui en prent indifferem-
ment quinze ou vingt iours,
tant à chaque iour que leur
estomach en peut porter, &
moy i'estime qu'aux vns trois
ou quatre iours fussient. Et
d'autres en doiuent boire les-
pace de quarante iours ; Car
comme dit Galien au 1. des
Antid. Ch 2. Vn remede peut
preseruer de la peste ou autres
maladies, qui estant prins en
beaucoup plus grande quan-
tité & reiteré trois ou quatre

fois ne pourra pas deliurer du mal qui est desiacōtracté; c'est pourquoy ceux qui en prennent par precaution, n'ont pas besoin d'en prendre si long temps, il y en a ausquels huit iours suffisent, aux autres quinze, ceux qui ont vn foie bruslé qui cause mille desordres, & menace de la ruine & de la perte entiere de la santé, pourueu qu'il n'y aye rien qui repugne, doiuent en prendre pour le moins l'espace d'un mois : Ceux qui ont l'estomach foible & petit, en doivent prendre peu à la fois, & continuer plus long temps s'ils en ont besoin.

Il est bon d'y accoustumer peu à peu l'estomach, n'en prenant le premier iour que la moitié de la quantité que lon en doit prendre, laquelle ne doit guere exceder environ la valeur de trois pintes ou aux estomachs les plus forts & les plus robustes deux pots; car cela suffoque la chaleur, enfle & fait qu'elle ne se vüide pas bien, empesche que l'estomach ne digere l'aliment estât trop de bilité & cause beaucoup d'accidents; ceux qui ont aussi des chaleurs d'entrailles en doiuent prendre quantité suffisante pour esteindre cette chaleur qui autre-

114 *De la vertu & propriété*
ment empescheroit que trois
ou quatre verres d'eau ne se
vüidassent. Il faut n'en pren-
dre que deux verres à chaque
fois au plus, & quand on en a
pris vne telle quantité qu'elle
pese & incommode, il faut
attendre qu'elle commence à
ce vüider pour en reprendre
d'autre; & pour luy aider à
passer, il faut se promener
douceement, affin d'exciter la
chaleur naturelle à ouvrir les
conduits, & rendre les passa-
ges libres, remarquant à peu
prés si l'on en rent autant qu'on
en a prins, quoy que les deux
ou trois premiers iours cela ne
puisse pas se trouuer aisement,
par ce

des Eaux minerales de Dinan. iij
par ce que le corps desseiché
s'abreuuant en consomme vne
partie. L'heure commode de
commencer à les boire est vne
heure après le Soleil leué fai-
sant vn peu d'exercice au pa-
rauant , comme d'aler de la
Ville à la Fontaine pour exci-
ter la chaleur naturelle & es-
veiller les Esprits , mais il faut
se prendre garde de trop s'es-
chauffer , & boire la quantité
que lon en doit prendre en
deux heures au plus. Elles ont
toujours plus de force & de
vertu prises sur le lieu , quand
le temps neammoins est plu-
uieux ou fascheux , il vaut
mieux les prendre à la cham-

bre, & quād il à pleu plusieurs iours il faut cesser d'ē boire iusques à ce que le beau tēps soit reuenu, par ce que les pluies se meslant avec, les rēdent pesantes, terrestes & mauuaises, font qu'elles ne passent pas croupissent & se corrompent; les Femmes aussi doiuent cesser si leurs purgations suruiennent & reprendre quand elles sont finies, par ce qu'elles pouroient en arrester le cours & causer de grands desordres.

Pour ceux qui ne peuuent aler sur le lieu pour quelque raison que ce soit, il faut donner ordre pour les transporter qu'elles soient puisées dans des

bouteilles que lon bousche dans la fontaine mesme si bien que l'air n'y puisse entrer & les boire en se promenant comme i'ay dit; mais il faut sçauoir que celles cy perdent leur force en peu de iours; c'est pourquoy ceux qui sont fort esloignés ou qui en ont besoin en d'autres temps que l'Esté ou celles cy ont leur force, feroient mieux d'vser de celles que lon apporte en bouteilles de Spa, qui ont encore beaucoup plus de force & de vertu que celles cy. Il y en à qui vsent d'anis, de dragées & canelle en beuvant leurs eaux, ce que ie trouue mauuais, par

ce que l'estomach ne digere aucunement cela, mais est entraîné par l'eau tout entier jusques au foie, en aiant veu qu'ils le rendent par les vrines comme ils l'ont pris, ce qui est capable de faire des obstructions & du mal, passant par de petits rameaux de veines fort estroits.

Av resté ceux qui ont des affaires qui leur surviennent, peuvent interrompre, & reprendre en après, pourveu qu'ils observent le regime de viure necessaire, cela ne leur apporte aucune incōmodité; ceux qui en ont beu de si plusieurs années ou qui sont ac-

coustumez à l'eau n'ont pas besoin de commencer par si peu, & c'est fort bien fait d'en prendre plusieurs années dans les maladies inveterées, & que lon remarque qui diminuent toujours quand lon en vse, car si lon n'y remarque point d'amendement, l'usage des eaux ne peut qu'estre preiudiciable, car il y à des maladies incurables, comme vne rate endurcie & scirrheuse, laquelle ne separant point cette humeur grossiere de la masse du sanc, cause tous les accidents que nous auons dit qui auroient besoin des eaux, mais la source & l'origine du mal estant

incurable, il faut seulement en adoucir les symptomes & les accidents; il en est de mesme des parties qui sont affoiblies de si longue main, que les humeurs y ont pris vne telle pente qu'il est impossible de les destourner & fortifier assez la partie pour la garantir; mais enfin quand on à emporté le mal il ne faut pl' vser des eaux, si ce n'est que le Medecin iuge qu'il en soit besoin encore par precaution, par ce que toutes les annees la chaleur se diminueroit & receuroit grand dommage, les vieillards auxquels la chaleur naturelle est de si foible, n'en doiuent pas

ysier sans grande necessité & grande prudence, le vin leur est plus salutaire, qui est (comme dit Hypocrate) le lait des vieillards.

Le corps doit estre preparé avant que de prendre le remede, c'est à dire les conduits & passages de l'eau doiuent estre rendues libres, ostant & purgëant les humeurs grossieres & mauuaises qui pouroient empescher le cours de l'eau; c'est pourquoy lon purge d'ordinaire & quand vne purgatiõ ne suffit pas, on la reitere, & quelque fois que les humeurs sont si attachées & endurcies qu'il les faut preparer de lon-

gue main, les humecter & ramolir même par le bain quelque fois, afin qu'elles puissent estre plus facilement destachées. Pour ceux qui se portent bien, & qui n'en prennent que pour s'exempter des incommodités de l'Esté ou par precaution, n'y ayant point de mauuaises humeurs, il ne faut point de purgation qui est fort nuisible à ceux qui n'en ont pas de besoin, quand il y a repletion par ce que l'abondance de sanc r'emplit autant & empesche les passages que les mauuaises humeurs, il faut tirer du sanc, & cela suffit. Si après auoir fait tout ce que

lon à peu , les eaux enfin ne passent pas comme aux pituiteux & spécialement aux femmes qui sont plus froides , à raison dequoy les conduits sont extrèmément estroits, il faut cesser tout à fait , par ce que les eaux retenues & croupissantes dās les entrailles causent beaucoup d'accidents, cōme nous verrons incontinent. Les corps mal habituez qui engendrent quantité de mauuaises humeurs , en prenant les eaux , doivent de tēps en temps purger doucement les mauuaises humeurs qui s'amassent , si cen'est que les eaux les purgent assez ; enfin

plus les conduits & les passages sont grands & libres elles sont moins nuisibles, si ce n'est à certains corps comme hectiques à raison d'un foie tout brulant, n'ayant ny chair ny gresse qui resiste & qui empesche que l'eau par sa froideur n'offence trop les parties nerveuses dont elle est ennemie mortelle, en reçoivent souvent dommage & la fièvre de froid; le bain tiède leur est meilleur, & le regime de viure tant de boire que de manger, rafraichissant & humectant, sans vin du tout, dont vne seule goutte dans leur estomach fume & leur fait mal. Pendant

qu'on les boit il faut esuiter l'air & trop chaud & trop froid , par ce que la chaleur attire à soy & distribue l'eau par le corps la meslant avec le sanc , le rendāt sereux & mauvais & dans les entrailles la retenant, elle croupit & pourrit & la fièvre survient ; le froid aussi fait que la chaleur se retirant toute au cœur pour se garder du froid du dehors & du dedans, la fièvre survient & faut toujours cesser iusques à ce qu'elle soit passée.

Il ne faut point commencer à manger que l'vrine ne commence à estre teinte & chāgée de couleur , en aiant vüidé le

plus qu'on à peu ; quelque bon & fort que puisse estre l'estomach, il est toujours vn peu debilité de l'eau , c'est pourquoy il faut prendre des viandes & des aliments qui soient en quantité & qualité de facile digestion , la quantité doit estre moindre qu'à l'ordinaire demeurant sur son appetit qui est toujours augmenté par la froideur de l'eau , par ce qu'elle resserre ; la qualité est de bon pain tendre & blanc , viandes ieunes, fraiches & tēdres, sans poisson , fructages , laiētages ny salades qui sont froides & phlegmatiques, beuant vn peu de bon vin , si ce n'est que

la constitution du mal ou de la personne y repugne ; le moins que lon pourra souper fera le meilleur & faut que ce soit de bonne heure , afin que la digestion soit faite entierement le matin , autrement l'eau se meslant avec l'aliment le corrompt dou les fieures continues quelque fois , & pour cette raison il n'est pas bon d'en prendre la presdînée. Les cōfitures pour le dessert ne sont point hors de saison. Quiconque en beuvant des eaux fera des excès de boire ou de manger s'en trouvera mal & au danger de sa vie, car enfin la chaleur naturelle affoiblie par les eaux succom-

beaux excès , & ne pouuant venir à bout d'une surcharge, le vin par sa chaleur met le Feu par tout , allume la fièvre, remplit le cerueau de vapeurs qui y causent quelque fois les assoupissemens lethargiques, & enfin suffoquant la chaleur naturelle du foie ou consommant son humide radical , fait l'ydropisie dou la mort sans remede ; cela se remarqua encore l'année passée en cette Ville ou quelqu'un qui prenoit des eaux pour une chaleur excessive du foie causée des excès du vin , lequel en eut receu grand soulagement s'il se fut bien gouverné,

mourut par les excès qu'il fit tant en beuvant qu'après auoir beu les eaux.

Il se faut abstenir toute la journée de tout mouuement & excercice qui soit capable d'eschauffer, pour les raisons que j'ay dites, il est bon neammoins de se promener toujours doucement, pour exciter la chaleur naturelle a faire ses fonctions & se descharger des eaux. Toute sorte de passions sont mauuaises pendant qu'on prend ce remede, excepté la ioye qu'il faut rechercher par toute sorte de diuertissement agreable; à quoy contribue beaucoup le lieu & la cō-

pagnie, pour le lieu, Dinan a cét aduantage sur tous les lieux de Bretagne & peut estre de France, ou il se pouroit rencōtrer des eaux minerales, d'estre le mieux situé pour la fanté, le lieu y contribuāt grādement, a raison de quoy Aristote au 7. de sa Polit. veut que ceux qui batissent des villes prennent bien garde qu'elles soient bien situées, parce que les hommes d'un lieu bien situé sont plus sains, plus forts, plus robustes & vivent plus long temps; la raison est que l'air que nous respirons contribue beaucoup a rendre les Esprits & les humeurs subtiles ou grossieres,

pures ou infectées & participant de sa nature & de ses qualités, ce qui fait qu'Hypocrate au commencement du *l. de aëre*, aduertit le Medecin de considerer quand il arrive de nouveau en quelque lieu, sa situation, afin de sçauoir la nature & les qualités de l'air & connoistre par la, à quelles maladies il peut contribuer ou remedier. Pour vne bonne situation, il faut que le lieu soit vn peu esleué ou en vne plaine campagne, par ce que dans les valons, le Soleil ny les vents ne pouuant auoir accès, l'air & l'eau croupissent & se corrompent; il doit estre exposé

132 De la vertu & propriété
au Soleil leuant, & non pas
trop batu de grands vents spe-
cialement des vents du midi,
estre vn lieu sec, non pas ma-
résceux, arrousé neāmoins
de belles & claires Fontaines,
auoir des issues, des aspects &
promenades agreables. Tous
ceux qui voudront considerer
Dinan, verront qu'il a tous ces
aduantages & les commodités
de la Mer & de la Riuiera, sans
en auoir les incommodités,
dou vient que c'est vn lieu tres
sain & qui peut contribuer
beaucoup à redonner la santé.

Il faut se coucher de bonne
heure afin d'estre matinal, &
ne faut pas manquer de dōner

du temps suffisant au repos, par ce que ces eaux excitent à dormir par les vapeurs qui montent au cerueau qui s'y amasseroient en quantité & causeroient de grands accidens, & faut bien se prendre garde de dormir le iour, car les eaux ne se vüideroient pas, mais seroient portées au cerueau, dont il arriueroit toute sorte de fluxions. Les Religieux ou Religieuses qui en vissent, doiuent estre exempts tant que faire se peut des fonctions de la Religion, qui empeschent de viure de cette sorte.

Si quelqu'un à le ventre tel-

lement eschauffé & desseché, que l'eau ne soit pas capable de le lascher, il faut qu'il vse de lauements ou petits reme- des purgatifs; par ce que cela feroit des obstructions, arres- teroit les eaux, les corrom- proit & donneroit la fièvre.

Pour ceux qui sont mariez, il faut sçauoir qu'il n'y à rien pl^r nét & plus pur que les eaux, c'est pourquoy les Nymphes qui sôt des Déeses Vierges s'y plaisent, *Nymphæ amanti lym- phas*, & les eaux demandent du repos, & tout ce qui eschauffe & esmeut trop le corps & ses humeurs, leur est contraire, à raison dequoy il sera bõ qu'ils

couchent seul a seul, afin de conseruer leur chaleur naturelle, leurs Esprits & leurs forces dont ils ont besoin a lors.

Les vêts, lassitudes du corps & des membres, debilité d'estomach & desuoïements, de fluxions, conuulsions, fieures & tous les autres accidēts qui arriuent, marquent que l'estomach est trop lassé & affoibli, ou qu'on n'observe pas le regime, ou qu'il y a de mauuaises humeurs amassées qu'il faut purger, surquoi il faut prēdre l'aduis du Medecin, qui connoissant le deffaut y apportera le remede.

Pour ceux qui se portēt bien

& n'en prennent que pour s'exempter des incōmodités des chaleurs & des maladies qu'elles pouroient causer & rafraichir le sanc, pourueu qu'ils obseruent le regime de viure les iours qu'ils en boient, il suffit, & qu'ils en prennent vn iour & puis cessent & reprennent à leur commodité, n'importe quād ce ne seroit mesme que d'une fontaine commune quand la chaleur est excessiue.

Finissant les eaux, il faut purger ce qu'il en peut estre resté & d'humeurs amassées, par des remedes propres & conuenables, & par ce que plusieurs manquent en cecy

ou ne voulant du tout point
prēdre de remedes , ou en pre-
nant a leur fantaisie , ou de
gents incapables de leur or-
donner ce qui est propre &
necessaire ; ie veux faire con-
noistre plus au long les acci-
dents qui en arriuent tous les
iours afin qu'un chacun s'en
prenne garde : Au reste i'ad-
vertis qu'on n'aille pas pren-
dre des eaux sans l'aduis d'un
Medecin , lors qu'on a quel-
qu'une des maladies ou i'ay dit
qu'elles pouuoient dōner sou-
lagement ; par ce qu'elles y
peuvent estre contraires.



ADVIS A CEUX QUI

mal à propos prennent
des remèdes.

CHAPITRE IIII.



*Olus Homo a natura
morbis (dit Hy-
pocrate) La na-
ture n'a pestri &*

formé l'homme que de mala-
dies, toute sa vie est remplie de
miseres, & n'est qu'un chemin
asseuré pour courir a la mort.
Le dernier iour respont au
premier, car comme il la com-

même par la douleur, il en sort par la force & la violence de la maladie; & tout le temps qui est entre ces deux extrémités se passe, sans avoir presque un moment de repos, mais tourments perpetuels, maladies continuelles, ou du corps ou de l'Esprit, ou de tous les deux ensemble, dont l'union est si foible que la moindre maladie, le moindre accident est capable de la rompre sans qu'il soit besoin d'aiguïser des fers, ou preparer des poisons pour les separer, n'y ayant aucun iour, aucune heure ny aucun moment qui ne le change pour l'entraîner à sa fin, &

140 De la vertu & propriété
semble qu'il ne soit sur la terre
que pour en sortir aussi tost.
Ce monde qui n'a esté fait que
pour l'homme, paroist tout
rempli de haine contre luy se
servant des mesmes choses
dont il le doit conseruer pour
le perdre & le destruire, & la
mort le tastre & l'attaque mille
fois pour luy couper la gorge
vne seule. C'est pourquoy il ne
se trouueroit pas vn homme
qui voulut receuoir la vie s'il
estoit possible qu'il sceut ce
que c'est, quand elle luy seroit
offerte, *vitam nullus acciperet si da-*
retur scientibus. Si vous voulez
le rechercher iusques dans
ses premiers principes, vous

des Eaux minerales de Dinan. 141
ytrouuerez les causes de sa
mort & de ses maladies, car
quoy que les elements pour le
former, aient esté comme re-
duits à vne esgalité dans leur
meslange, ils s'agitent neam-
moins de telle sorte, que luy
faisant la guerre & dehors &
dedans, ils renuersent la vie &
la santé qu'ils auoient esta-
blie. Le sanc & la semence
dont il est formé, luy com-
munique avec la vie, les
maladies auxquelles ses parēts
sont suiets, dont il est plus as-
scuré d'estre l'heritier que de
leurs heritages.

Parentum abeunt cum semine mores & vitia.

Il n'est pas encore capable de

sentiment qu'il fait ressentir mille douleurs à sa Mere ; il n'est pas plustost viuant , qu'il est prest & en danger de perdre la vie de la moindre chose, mesme de l'odeur d'une chandelle esteinte ; de sorte que le lieu de sa naissance , est souuēt celuy de son tombeau. Sort il de sa prison pour venir au iour, il trouue que l'air qu'il cherche pour respirer plus librement, luy nuit & l'oblige à ietter des cris & des larmes. Les maladies l'attaquent aussi tost en toutes les parties de son corps, la gale à la teste, les viceres à la bouche, les fluxions & inflammations du poulmō,

des vomissements, & souuēt il
pert la vie par la violence & la
cruauté des trenchées. Les
dents luy percent il, des con-
vulsions, demangaisons & ar-
deurs des genciues, les cours
de ventre, la pierre, les vers,
la gale, les escrouelles; croist
il en aage, les maladies diuer-
ses le menassent & le suiuent
iusques à la vieillesse; qui est
souuent sur la teste lors qu'il
pense encore à la ieunesse.

Cét aage ne luy promet que
la mort, mais la plus cruelle,
puisqu'elle est la plus longue,
les vieillards haïssent la vie &
appellent la mort, qui ne viēt
neammoins iamaïs dans leur

pensée, sans les faire frémir d'horreur; c'est cet aage particulièrement qui est fertile en maladies, tous les sens les quittent peu à peu iusqu'à deuenir en enfance; la teste quoy que dessechée abonde d'humeurs qu'elle enuoie en toutes les parties pour causer des catharthes, des toux & difficultez de respirer, les chaleurs de reins & ardeur d'vrine, la pierre, la goutte & vne infinité d'autres; de sorte qu'ils apprenent que cet Ancien auoit raison de dire, qu'il vaudroit mieux n'auoir point vescu, ou estre bien tost mort. En vn mot en quelque estat & quel-

que façon que se trouue l'hō-
me, il est toujours attaqué ou
menacé de maladies diuerses,
suiuāt la diuersité de son aage,
de son temperament, de son
sexe, de son genre de vie, des
saisons & des constitutions &
changements de l'air & diuer-
sité des païs & des regions ou
il se rencontre. La plus grande
santé mesme est souuent la pl^e
dangereuse, car lors que vous
voiez vn corps bien replet,
la couleur bien vermeille, les
obstructions se font aisemēt,
à la moindre chaleur le Feu
s'allume & la fieure, souuent
les veines souurent ou se rom-
pēt dou les inflammations, les

apoplexies & autres maladies qui causent d'ordinaire vne mort subite ; c'est pourquoy le Prince de la Medecine ordonne qu'on apporte promptement remede à ces grandes repletions qui semblent estre l'estat le plus parfait & la santé la plus forte , & qu'on tire du sanc au plus tost en quantité, de peur que du soir au matin la mort n'arriue comme on remarque tous les iours.

L'Esprit ne manque pas d'auoir ses maladies & ses miseres qu'il communique au corps comme il participe aux siennes, de sorte que l'vn ne peut estre ny sain ny malade
sans

sans que l'autre s'en ressent. C'est pourquoy *ut sit mens sana, debet esse in corpore sano*, contre l'opinion des Samiens qui estoient que l'ame estoit malade & en mauuais estat quand le corps se portoit bien, à raison dequoy plusieurs se donnoient la mort se voiant dans vne parfaite santé, pour deliurer leur ame de maladies.

La consideration de ces choses ont porté l'Esprit de plusieurs, à se persuader que la condition de l'homme est plus miserable que celle des brutes, & que la nature quelque aduantage qu'elle luy aie fait; se mōtre plustost en son endroit

148 *Aduis à ceux qui mal apropos*
vne cruelle maistre qu'une
bonne Mere puis qu'il semble
qu'elle ne luy a dōné vn corps
plus parfait, plus accompli &
plus de connoissance, que
pour le rendre plus capable de
ressentir toute sorte de dou-
leurs & de miseres; en quoy
ils se trompent louldement,
puisque ce n'est que par acci-
dēt & d'ordinaire par sa faute
qu'il est suiet à tant de miseres;
car comme dit Fernel Chap. i.
liu. i. *Meth. med. Humanae vitæ*
moderatrix natura cuncta quam opti-
mè potest administrat, idque assidue
molitur vt corpus in extremam vsque
vita periodum integra aut quam sal-
tem ortu accepit, sanitate conseruet,

& si id fortè extrinsecus iniuria laces-
situr, pro viribus propulset. La na-
ture n'a autre intention & ne
travaille qu'à conseruer son
ouurage dans vne parfaite
santé, ou du moins dans l'estat
auquel il à receu la vie iusques
à son dernier periode, qui ne
doit estre que lors que la cha-
leur naturelle à consommé
peu à peu son humide radical
qui estoit son suiet & son ali-
ment. Elle la voulu produire
la plus parfaite de toutes les
creatures, & par ce que cette
perfection consiste au milieu,
in medio consistit virtus, elle à pl^r
de contraires & d'ennemis de
tous les costez, qui causent

150 *Aduis à ceux qui mal apropos*
toutes ces maladies & ces mi-
seres, lesquelles arrestent ou
trauersent le cours de sa vie.
Mais elle luy a donné vn esprit
capable de connoistre tout ce
qui luy peut nuire, & les moi-
ens de l'euitier & chasser le
tort qu'il en peut auoir receu,
par l'opposition des choses de
qualités & de vertus contrai-
res; c'est cette connoissance
que nous appelons la Mede-
cine, de laquelle Dieu se dit
expressement l'auteur dans
l'Eccles. ch 37 Et celuy qui la
possede s'appelle Medecin,
tel qu'un chacun auroit be-
soin d'estre, pour conseruer
sa vie & l'exempter de tous les

prennent des remèdes. 151
accidents & toutes les miseres
dont il est continuellemēt at-
taqué ou menacé Mais par ce
que la science est de si grande
estendue qu'elle comprend la
connoissance de la nature,
qualités & propriétés de tout
ce qui est cōtenu dās l'univers
à laquelle (comme dit Hyp.
au commencement de ses
Aphor.) la vie de l'homme a
peine peut paruenir, Dieu a
pris soin d'en destiner & insti-
tuer quelques vns qui s'appli-
quāt tout a fait à cette scien-
ce, peussent soulager & subue-
nir aux necessités des autres;
Creduit enim illum Dominus (dit
l'Ecriture au mesme passage)

152 *Advis à ceux qui mal apropos*
à qui il veut qu'on porte hon-
neur par nécessité, *honora Medi-*
cum propter necessitatem; dou vient
qu'on l'honore dauātage quād
les maladies sōt pl⁹ frequētes,
par ce qu'il est plus necessai-
re: Ce qui est cōme yne recō-
noissance ou recompence du
plaisir qu'on en reçoit, tout le
bien & l'argent d'un homme
n'estant pas capable de satis-
faire à l'obligation qu'il à a ce-
luy qui luy a sauué la vie, si
grande, qu'un Ancien disoit
avec raison, *vt Homo per inimici-*
tiam homini lupus, sic homo per medi-
cinā homini Deus Mais quelques
bons catholiques que soient
apresent les hommes, il s'en

trouue peu qui ayent de la Foy pour ces passages de l'Eſcriture, & qui obseruent dans leurs maladies ce qu'elle ordonne, *ostende tē Sacerdoti deinde aduoca Medicum*, croiant qu'il seroit plus capable de luy donner la mort que de luy sauuer la vie. Mais qui en est la cause? Riolan le Pere ſçauāt Medecin, la propose au premier Medecin du Roy, dans l'Eſpitre liminaire d'un liure qu'il luy dedie; c'est vne chose estrange (dit il) que les Medecins qu'on honoroit autre fois comme des Dieux, ne soient apresent aucunement confidereez, la plus part n'ayant aucune Foy ny

54 *Aduis à ceux qui mal apropos*
croiance en eux, & après auoir
montré que ce n'est pas qu'ils
fussent alors plus necessaires,
puisque iamais les excés de la
bouche qui sont la source &
l'origine des maladies, & la
Mere nourrice des Medecins,
n'ont esté plus grands qu'apre-
sent; ny Basteleurs & vèdeurs
de Baume, qui ternissent le
lustre du Medecin, puisqu'au
contraire comme les couleurs
sombres & obscures, rehaus-
sent dauantage l'esclat & la vi-
uacité des autres qu'on en ap-
proche, ainsi la foube & l'i-
gnorance de ceux la fait dauã-
tage estimer & reconnoistre la
science & le merite des Me-

decins ; enfin il conclut que c'est le trop grand nombre de Medecins , quelque precieuse & estimable que soit vne chose, perdant son prix & son estime pour estre trop commune. Ceux qui voudront sçauoir qu'ils sont ces Medecins dont il y a trop grand nombre, & comme les Medecins sont eux mesmes la cause de ceux qui sont de trop & le remede qu'il demandoit qu'on y apportast par l'ordre du Roy, pour arrester le desordre qu'ils causent dans la medecine, au grand dommage & perte du bien & de la sante du public ; qu'ils prennent la peine de le lire.

156 *aduis à ceux qui mal apropos*

Pour moy ie tiens que l'ignorance du peuple & la malice de plusieurs qui cōtrefont les Medecins, sont les causes assurees de tous les accidents & les malheurs qui arriuent à ceux qui mal apropos prennēt des remedes, & de la perte de la vie & de la santé à plusieurs faute d'en vser, pour n'auoir aucune croiāce aux Medecins ny à la Medecine. Tous les remedes font du bien ou du mal, suiuant la bonne ou mauuaise application. *Remedia si ab indoctis Medicis vsurpentur, venena sunt, si a doctis auxiliares Dei man'* (dit Herophile) si les remedes sont ordonnez par des igno-

rants, ce sont des poisons qui causent souuēt la mort à ceux qu'ils reçoient, si par des hommes sçauants, ce sont des secours diuins. Il n'y à presque personne qui ne se mesle de la medecine, il n'y aura si petite femmelette qui n'ordōne à tous ceux qu'elle voit malades, & qui ne soustienne que son remede vaut mieux que tout ce que pourroient ordonner les Medecins : Mais les plus pernicioeux sont ceux qui se disent Medecins Empyriques, qui ne se vantent que de l'experience, *Medici titulo passim insolescentes per mortes faciunt experimenta.* Vous voirez ces

158 *aduis à ceux qui mal apropos*
Messieurs là, monter sur vn
Theatre avec vne mine & vne
posture estudée & quelque
marque a l'exterieur, pour
faire croire qu'il y a dans l'in-
terieur vne science, & des
connoissances qui ne sont
point communes; tantost ils
paroissent grands Seigneurs,
changeant d'habits tous les
iours, quand ils ont attrapé
dequoy visiter les friperies de
Paris, & avec vn train de va-
lets & de falots qui feront
bien tost aussi puissants & aussi
sages que leurs Maistres, ce
Velours, cette pane, ce clin-
quant font voir que ce ne sont
pas gents de petite estoffe,

& qu'il faut bien comme ils disent, qu'ils ayent de rares qualités pour auoir vn employ suffisant d'entretenir tout leur train : D'autres font les estrangers, marmotent des mots d'Italien qu'ils meslent avec le François qu'ils font semblant de ne pas bien entendre, de peur de faire connoistre qu'ils ne sçauent ce qu'ils veulent dire, quand on voit ces gents la, estrangers a l'habit, a la moustache, au discours, la populace cōclut aussi tost, c'est vn habile homme : Ils commencent a tirer leur Baume, leur emplastre, leur eau celeste, dont ils prescheront vne

160 *Aduis à ceux qui mal apropos*
heure les vertus , suffisantes
pour guarir toute sorte de ma-
ladies non seulement exterieu-
res, mais beaucoup d'interieu-
res; ce pendant la petite fible
d'eau celeste qui est de l'eau de
chaux batue avec vn peu de
sel ammoniac , vaudra les pre-
miers iours vn teston , & ce
qu'ils auront eü d'emplastre
chez vn Apoticaire pour vn
sol en vaudra dix , l'essence
marche après qui sert souuent
pour le dehors & le dedās, puis
le purgatif qui aura quelque
nō specieux cōme de Panchy-
magogue , d'Esprit vniuersel
&c. Et enfin l'antidote pour
guarir & preseruer de toute

forte de maladies contagieuses : Avec ces remedes il n'y a point de maladie de quelque nature que ce soit qu'ils ne fassent trembler , leur main est la plus subtile & la plus experte pour toutes les maladies qui demandēt son operation ; tous les Medecins ne sont d'ordinaire que des ignorants , & les Chirurgiens ne sçauent ce que c'est de traiter vne playe remettre ou extirper vn membre , & cependant ils n'ont garde de se trouuer en leur presence , ils les fuient , comme le Hibou la lumiere , par ce qu'ils descouueroient & mettroient au iour leurs fourbes

162 *Aduis à ceux qui mal apropos*
& leur ignorance, & s'excuseront sur ce qu'ils leurs portent enuie, & que s'ils trauielloient deuant eux, ils leurs apprendroient leurs secrets. S'ils s'y rencontrent quelque fois, incapables de raisonnement; ils ne s'armeront que de leur experience, quand ce seroit le premier iour qu'ils auroient monté sur le Theatre. Et s'ils commencent d'auoir la barbe blanche, il ne faut pas d'autre tesmoignage de leur suffisance, comme si la science & les connoissances se mesuroient au temps & a l'aage, & non pas a l'Esprit & au traual, & si on ne voioit point de vieux ignorants.

rants. Tous les habiles gens reconnoissent qu'il n'y a rien si trompeur dans la medecine que l'experience, quand elle n'est pas conduite & appuyée de la science, par ce que les choses semblent à toute heure mesmes qui ont neanmoins beaucoup de difference, car toutes choses different les vnes des autres, & tous les raisonnemens *a simili* clochèt en quelque sciēce que ce soit, & nous voions que cinquante ans après telles pratiques & experiences, ces gens la sont aussi ignorants qu'au commencement. Nous remarquons la mesme chose dans

164 *Aduis à ceux qui mal apropos*
toutes les autres professions
ou la science estre quise, qu'un
Conseiller ou Aduocat vienne
à la pratique sans science, il n'y
fera iamais rien, & verra que
celuy qui aura de l'Esprit & de
bōnes estudes l'emportera in-
continent par dessus luy. Dail-
leurs il n'y a Medecin qui
n'aye plus d'experience que
tous ces gēts la; en trois mois
de temps, il voit dans les Hos-
pitaux de Paris plus de mala-
des de toute sorte, qu'ils ne
font en leur vie, cependant
on les souffre, par ce qu'il n'y
a que la populace qui fait la
plus grande partie du peuple
qui soit deceue & trompée,

car voiant leurs affiches, qui promettēt la guarison de toutes les maladies incurables, toutes leurs bulles & patētes, toutes les hableries & farfanteries qu'ils font sur le theatre: Chacun se munit de leur boutique cōme d'un arcenal pour combattre la mort; ceux qui ont quelque maladie incurable courent à eux, & espuisent leurs bourses pour leur fournir dequoy entretenir un grād train qu'ils ont, un carrosse mesme quelque fois, & voiant les malheurs qui leur en arriuent, ils pestent contre les Medecins, & publient que ce ne sont que des affronteurs &

166 *Aduis à ceux qui mal apropos*
des ignorants ; par ce qu'ils
prennent pour Medecins des
gents qui bien souuent ne
sçauent pas lire quoy qu'ils es-
corchent des mots de grec
& de latin *Quousque alógos*
& inertes Empyricos feretis ? disoit
Riolan à Messieurs du Parle-
ment de Paris. Il y en a d'autres
qui se disent Medecins Chy-
miques , ie n'entens pas parler
d'habiles & sçauāts Medecins
qui bien apropos se seruent
qu'elque fois d'excelents re-
medes chymiques , mais seu-
lement de ceux qui par igno-
rance ou malice donnent de
violents remedes chymiques
comme l'antimoine , dont il

arriue tous les iours d'estran-
ges accidents , ce remede est
apresent si familier par ce qu'il
ne couste presque rien , qu'il
est facile a preparer & qu'il se
prend en si petite quātité qu'on
le dōne insensiblement quand
on le baille en substance , &
que les effets en sont grands,
purgeāt toute sorte d'humeurs
par haut & par bas , qu'on le
publie pour vn remede vniuer-
sel , qui a les mesmes vertus
que les eaux minerales de Ro-
chas , aussi est ce vn mineral,
mais qu'on cache soubz le nō
de secret, de peur qu'il ne per-
de son estime pour estre trop
cōmun, qu'il n'est pas iusqu'a

168 *Aduis à ceux qui mal apropos*
des femmes qui n'en donnent,
des personnes mesme de con-
dition croiant bien faire; par
ce qu'ils n'en connoissent pas
les euenements.

Sitost qu'une personne se
plaint de mal, elle est assuree
d'estre guarie; si elle veut se
seruir d'un remede qui est le
plus excellent secret qu'on
puisse voir pour son mal, pour
les fieures, les quartes mesmes
les plus rebelles, il y en a qui
publient de n'en point man-
quer, sans le nommer neam-
moins, & y adioutant quelque
fois d'autres choses pour
le desguiser. Comme tous les
remedes dont on se sert dans

la Medecine, ont esté exami-
nez & esprouuez tant de fois
qu'on n'en peut douter, auant
que d'estre receus & aprouvés,
l'Antimoine n'a pas manqué
d'estre plusieurs fois proposé
& examiné dās les disputes pu-
bliques de la plus Illustre & la
plus celebre escole de Mede-
cine de l'Europe, l'yniuerité
de Paris & reietté de presque
tous les Docteurs, comme v-
ne chose qui ne peut jamais
tant faire de bien qu'il cause
de mal; Et pour le compren-
dre afin d'esluer les malheurs
qu'il peut causer. Il faut sca-
uoir que tout ce qui entre dās
nostre corps, n'estant pas la

170 *Aduis à ceux qui mal apropos*
mesme chose que nous mes-
mes & des qualités contraires
par lesquelles il agit contre
nous comme i'ay montré cy
deuant, mais tantost comme
le plus fort, tantost comme le
plus foible, les aliments sont
vaincus & cedent a nostre cha-
leur naturelle, qui les conuer-
tit en nostre propre substance.
omne enim agens conatur sibi assimilare
passum quantum potest. Les poi-
sonsempoient le dessus, cor-
rompent & destruisent tout
afait nostre nature & nostre
substance; Les medicaments
tiennent le milieu & comme
contraires de forces esgales
ne surmontent ny ne sont sur-

montez, si ce n'est que la nature n'ayant peu les assimiler à raison de leur trop grande contrariété, les chasse & les jette dehors avec les humeurs qu'ils ont attiré: Je n'entens icy parler que des purgatifs, dont les vns sont plus doux & plus benignes, qui ne résistent & travaillent pas si fort la nature, les autres si violents qu'ils approchent de la nature, force & malignité des poisons, & entr'autres l'Antimoine le plus violent & le plus à craindre de tous les médicaments, étant reçu dans l'estomach soit en substance, soit en infusion; la chaleur naturelle venant à pe-

172 *Aduis à ceux qui mal apropos*
netrer, il desploye ses vertus
& ses qualités offencant tel-
lement & l'estomach & tou-
tes les parties, qu'elles font
des efforts violents pour s'en
desfaire promptement & par
haut & par bas. Les vomisse-
ments se font avec tât de for-
ce & de violence, que tout le
corps est en Feu qui paroist
iusques aux yeux tous inflam-
mez & comme sortants hors
de la teste; les secousses sont
si furieuses que les vaisseaux
quelques fois s'ouurent ou se
rompent, les parties mesmes
se destachent les vnes des au-
tres & demeurent extresmé-
ment debilitées, la poitrine est

tellemēt oppressée qu'on suffoque ne pouuant auoir son haleine; le patient en cēt estat ne voit que l'image de la mort de laquelle il ne croit pas jamais reschaper, s'attachant aux tuniques de l'estomach, ou des intestins, il les deschire & les fait ieter iusques au sanc avec des douleurs & des tranchées furieuses, la fièvre souvent arriue, & d'intermittente deuiet continue. Enfin les conuulsions, causées des humeurs portées par l'agitation dans les nerfs & le muscles, ou la qualité maligne du médicament, qui fait resserrer les parties nerueuses pour s'en

174 *Aduis à ceux qui mal apropos*
deſfaire ; ou par la ſecheſſe
extreſme , tous les Eſprits &
humeurs eſpuisées par
les pores , les vomiffeméts &
les autres euacuations , au-
quelles dans ces accidents la
mort ſuccede d'ordinaire.

Cela ne conclut pas neam-
moins ſelon mon aduis , que
lon ne puiſſe iamaïs ſ'en ſeruir,
par ce que tous ces inconue-
nients luy ſont cōmuns avec
d'autres medicaments dont
Hypocrate meſme à vſé ,
lors qu'il ne pouuoit pas arra-
cher la cauſe du mal par des
remedes moins violents, mais
avec toutes les precautions
requiſes pour eſciter tous les

mauuais accidents qui en pou-
uoient arriuer : la ou la plus
part s'en sert comme d'une sel-
le à tous cheuaux, pour tou-
te sorte de personnes, de ma-
ladies & de temps, de sorte
qu'en vn moment on deuient
Medecin apprenant ce que
c'est que de l'Antimoine pre-
paré; & neammoins nous voi-
ons que les medicaments les
plus benins, de la casse mesme
en petite quantité a causé la
mort à quelques vns faute
d'observer toutes les choses
necessaires auant que piēdre
aucun purgatif. La Rhubarbe
qu'on dōne aux enfans sās pe-
ril & qui est spécifique pour le

176 *aduis à ceux qui mal apropos*
foie, duquel neammoins elle
est la mort quand cette partie
à trop de chaleur. Le Sené si
commun & propre pour les
melancholiques, par sa cha-
leur & secheresse leur nuist
grandement s'ils sont tels de
l'humeur brulée. La Manne
mesme blesse beaucoup d'es-
tomahcs. Comment est ce
donc que ces medicaments
violents pouront estre donnés
sans auoir esgart à la partie
malade, à l'espece du mal, à sa
cause, aux accidents, au tēps
de la maladie, au tempera-
ment, sexe, aage & coustume
de la personne, à la constitu-
tion de l'air, de la saison & du

lieu, n'y ayant aucune de toutes ces circonstances qui ne soit capable de faire changer, adiouster ou diminuer au remede, lequel doit estre proportionné à la grandeur du mal & de sa cause qui doit estre ostée depuis la premiere iusqu'à la derniere, chacune en son ordre avant qu'on puisse esperer la fin de la maladie, l'espece du mal ou de l'humeur qui en est la cause demende vne telle ou telle espece de medicamēt. La partie malade le veut ou plus fort ou plus foible suiuant qu'elle est plus ou moins esloignée des lieux ou arriue le medicament avec sa vertu, il doit

178 *Aduis à ceux qui mal apropos*
est re plus ou moins violent, pl^{us}
ou moins adstringent, plus ou
moins liquide, plus ou moins
penetrant suiuant que la partie
est plus ou moins noble, d'un
sentiment pl^{us} ou moins exquis
plus ou moins solide, &c. Le
mesme remede, ne purgera
point les vns, mais remuera
seulement les humeurs & cau-
sera plusieurs accidents qui
en purgera d'autres si fort
que la mort s'ensuiura, faute
d'auoir fait la difference de la
complection, de l'aage, de la
constitution de l'air & autres
circonstances. Vn medicamēt
proportionné & propre pour
la nature & la grandeur du
mal.

mal, & qui à toutes les conditions requises & necessaires pour l'emporter estant donné tout à vne fois, si les forces ne sont pas bastantes, (qui sōt la premiere & principale chose qu'il faut confiderer, afin de les conseruer de quelque façon que ce soit) la nature ne pouuant autrement resister au medicament, succombe & la mort s'ensuit. Si on donne le remede auant que les humeurs soient disposées & les passages libres, il ne peut faire que du mal, causer ou augmenter la fieure & souuēt la mort. Et ainsi de toutes les autres circonstances dont la

180 *A*duis à ceux qui mal apropos
moindre est capable de tout
perdre : Comme tesmoigne
Gal. au 13 de sa Meth. raportāt
qu'un Disciple de Thessalus fit
mourir le Philosophe Thea-
gene, pour auoir manqué
d'adiouter au remede qui estoit
propre pour son mal, de quoy
munir & fortifier les parties
nobles contre les mauuais
qualités du medicament. *Qui*
peccat in vno omnium fit reus, & la
raison est par ce que bonum ex
integra causa malum ex quolibet defe-
ctu.

Comment est-ce donc que
lon ose donner sans aucune
connoissance vn tel remede,
vn vomitif si violent pour tou-

te sorte de personnes? nous voions qu'il y à tant de conditions requises pour le vomissement, qu'il y en à fort peu à qui il puisse estre vtile & profitable. Il en est de mesme de ceux qui donnent temerairement tāt d'autres remedes, iusques à de la laureole comme aux cheuàux; des pignons d'inde & tout autre tel qu'il puisse estre.

Incogniti nulla est curatio morbi.

Quiconque sans vne connoissance parfaite de la partie malade, de la nature du mal, de sa cause & symptomes donne des remedes, *clausis oculis Andagabatarum more cum morbo pugnat.*

Or pour connoistre parfaitement ces choses, il faut auoit la science entiere du Medecin, qui n'est pas de trois mois cōme celle de ces Messieurs les chymiques, qui ne s'occupent qu'à descouvrir la lumiere du Soleil, & demeurent toujours dans les tenebres de l'ignorance, ne ressentant que la fumée du charbon qu'ils soufflent continuellement & qui les enteste tellement qu'ils sont incapables de reconnoistre leur folie en raisonnāt, qu'il est possible, qu'il s'est fait & par consequent qu'ils le ferōt, quand ils l'auront fait, & qu'ils aurōt trouué le grand Elixir qu'ils

cherchent, qu'ils viennent redonner la santé & la ieunesse à ceux qui voudroient bien ne prendre pas si tost congé de leurs amis. Mais quand ils ont tout soufflé & qu'ils ne trouvent plus personne à affronter se faisant croire aussi puissants que Iupiter, pour les faire devenir des Mydas en Or, qui pouront faire bonne chere, ils viennent avec la quintessence qu'ils ont tirée de la Medecine, guarir tous les malades par des secrets admirables. Par ce mot de secrets, les plus hupez sont les plus dupez, tout le monde n'ayme & ne fait estat d'autre chose. Or

les Medecins n'ont point de secrets , n'ayant pas de plus grand contentement que de communiquer leur science pour le bien du public tant qu'ils peuvent , par leurs paroles & par leurs écrits. *Scire tuum nihil est nisi te scire sciat alter* dit Cic. & ne craignent point que cela leur face tort aprenant ce qu'ils sçauent , il faudroit pour cela autant de tēps qu'ils en ôt employé à leurs estudes. Il y en à neanmoins qui conuersant avec les medecins , les gardes mesme des malades ayant remarqué ce qu'ils ont ordonné pour vne telle ou telle maladie , en font de mes-

me quand ils entendent parler
d'une autre maladie semblable
& pensent qu'il n'y a rien à
craindre, par ce que, *dat fidu-*
ciam ignorantia. C'est vne pleu-
resie, saignés-le, donnés luy
de la ptisane & des syrops, &
cette saignée faite hors le
temps est capable de luy oster
la vie.

On dira vn tel & vn tel &
mille autres ont esté guaris
par l'Antimoine, & de mala-
dies mesme desesperées des
Medecins, & ainsi d'autres re-
medes, cét Empyrique, ce
chymique, cét homme par
des secrets, vne petite pilule,
a guaris des maladies, ou les

Medecins ne connoissent rien, il est en vne haute estime. Je respons que l'Antimoine & autres violēts remedes peuuent faire de belles cures, estant plus puissāts pour tirer les humeurs que les mediocres, & ainsi quād par hasart ces gēts la rencōrent vn suiet qui est biē disposé cōme sur la fin d'vne maladie que l'humeur est preparée & separée, ils deliurent du mal. Dans les fieures intermittētes si le corps est capable de resister, il tirera la cause du mal, ils hasardent tout ce qui est desesperé & s'il en rescappe quelqu'un, cela passera pour miracle, d'autant qu'il

arrive contre l'esperance, on le publie, chacun l'augmente, pour vn; on en fait cent. Ces gens de theatre & autres ont des personnes apostées qui s'ont comme des trompettes pour annoncer la mort à plusieurs, & on ne dit pas que pour vn qui aura esté guari, il en est mort dix; & cent qui n'en ont receu aucun soulagement, ce qui ne peut autrement, quand il est donné sans la connoissance des choses que j'ay dites.

Plusieurs diront mon Antimoine, ma Scammonée, mon Mercure dulcifié sont preparez d'une façon qu'ils purgent doucement sans toutes ces

188 *Aduis à ceux qui mal apropos* |
incommodités & ces acci-
dents: l'ay appris en Italic à
luy oster sa qualité vomitiue.
Je respons que s'il est tel, &
ainsi de la Scāmonée & autres;
il les faut mettre au rang de
nos remedes benins: Ainsi ne
pouront plus se vanter ny pu-
blier tant de merucilles de leur
remede, puisque les effets n'en
seront pas plus grands que de
tous communs, lesquels
neammoins ne peuuent estre
donnéz sans peril, par toutes
ces personnes la comme i'ay
montré. Au reste seruōs nous
des medicaments que nos an-
cestres ont experimenté de-
puis deux mille ans, *vtamur me-*

dicamentis quorum maiores nostri tulerunt pericula. Puisqu'il y va de la vie, n'auons nous pas vn notable interest, de penetrer les circonstances les plus petites, pour distinguer les apparences d'auec les realités. Qui voudra donc s'exposer au hafart de tant d'accidents, en vne chose si importante ? *In re graui non est error leuis.*

On dira c'est l'enuie & la ialousie qui vous fait parler de la sorte, *figulus figulo inuidet* ; les Medecins mesdisent bien les vns des autres, s'appellent ignorants, ne s'accordent iamais dans leurs conferences, & leurs aduis se trouuent tou-

190 *Aduis à ceux qui mal apropos*
jours differents, bien souuent
ils ne connoissent rien à la ma-
ladie, & ne laissent pourtant
pas d'ordonner, afin de ne fai-
re pas connoistre qu'ils ne sça-
uent ou ils en font, ruinent
les corps de remedes en faisant
vne boutique d'Apotiquaire
quand on les veut croire, & en
tuent plus qu'ils n'en guaris-
sēt, les faisant mourir de fain,
& leur tirant tāt de sanc qu'ils
n'en peuuent iamais releuer,
& lon voit que ceux qui n'en
prennent point se portēt bien
mieux. C'est pourquoy il faut
laisser faire la nature, car tou-
te la medecine ne sert de rien;
c'est folie quand nostre heure

est venue il faut aler.

Je respons que les personnes d'Esprit & de iugement, connoistront que ie parle par raison & pour le bien du public, & non par passion, ny pour mon interest, n'esperant pas qu'il m'en reuienne autre chose que mille iniures, que vomiront contre moy, ceux qui sentiront que ie touche ou le bast les blesse; que ceux la cōfondent les Medecins avec ces monteurs de Theatre & gēts semblables qui font tous les autres ignorants, mais les Medecins sçauent trop bien qu'on ne reçoit point de Docteurs en medecine tels que

192 *aduis à ceux qui mal apropos*
doiuent estre tous ceux qui
ont droit de prendre la quali-
té de Medecin qui ne soient
sçauants, il y va trop de l'hon-
neur & de la conscience de
l'vniuersité qui les reçoit, qui
seroit responsable de la vie de
tous ceux qui la commettent
entre leurs mains, s'ils n'e-
stoient capables de les traiter
en toutes leurs maladies, ils
s'honorent trop les vns les au-
tres pour en mesdire, & com-
me la Medecine à ses difficul-
tés & ses obscurités aussi bien
que les autres sciences, ils s'as-
semblent pour voir si les vns
pourroient auoir quelque lumiere
& connoissance que les autres

n'ont pas, & lors que la maladie donne des marques euidētes & assurees de sa nature & de ses qualitez, les Medecins n'ont aucune contestation, & leurs aduis s'en vont à volée de bonnet; mais comme la maladie qui est au dedans ne se fait cōnoistre que par des marques qu'elle donne au dehors, *inuisibilia per ea quæ visibilia sunt cognoscuntur* (dit l'Apostre) quelque fois qu'elle n'en fait pas assez paroistre pour estre reconnue, ou qu'on n'en remarque que d'equiuoques & pleines de grandes difficultez, les aduis se trouuent alors differents, ce qui n'est qu'un bien

194 *Aduis à ceux qui mal apropos*
pour le malade, car (comme
dit Duret) *bona est inter medicos*
opinionum dissentio, pessima voluntatum
sed praestantissima pars studiorum
& voluntatum consentio. Tous en-
semble n'ont pas de plus gran-
de passion que de redonner la
santé au malade, à raison de-
quoy ils se portent à examiner
curieusement & distinguer ce
qui est apparent d'auec ce
qui est réel, & dans la chaleur
de leurs contentions, s'ils sem-
blent se piquer les vns contre
les autres pour faire receuoir
ce que chacun croit de plus
utile & de plus raisonnable,
ils n'en sont pas moins grands
amis hors de la, au contraire
dauan-

par ce qu'ils reconnoissent mieux la science & le mérite les vns des autres. Iamais deux personnes n'ont paru plus animées l'un contre l'autre que faisoient ces deux grands Orateurs Ciceron & Q. Hort. dans le barreau, pour défendre chacun le droit de sa partie, & hors de là ils s'honoroient & s'estimoient plus que personne. Les habiles gens ne souhaitent rien tant que la conférence de leurs semblables, leur dispute & leurs differents ne leur apportent que de la satisfaction, en apprenant toujours quelque chose les vns des autres; mais les ignorants

O

196 *Aduis à ceux qui mal apropos*
ne sçauent ce que c'est que
de raisonner, & s'en moquēt,
quoy qu'ils ayent souuēt assez
de discours & de paroles, spe-
cialement quand ils sont au-
prés des personnes qui n'y en-
tendent rien, ne parlant que
de leurs experiēces & voyages
par toute l'Europe, ou ils ont
appris tous leurs secrets, &
veu les effets de leurs remedes
qu'ils composent & appliquēt
eux mesmes, cōme faisoient
les premiers Medecins, dont
ils tireront vne belle conse-
quence qu'ils sont habiles
gents, & quand ils sçauent
quelque chose comme vn peu
de Latin, c'est la pitié, ils en

rompent la teste à tout le monde & remueront toute sorte de ressorts pour trouuer des pretextes de publier ce qu'ils sçauent, faisant autāt de bruit que ces bouteilles qui contiēnēt fort peu de chose. Anciennement vn hōme qui ne traitoit pas son malade suiuant les preceptes de la medecine escripts & gardés dans le Temple d'Apollon, respōdoit de sa vie. chez les Romains l'ignorance estoit punie par vne Loy; que fait apresent la police? Si ceux la estimēt tāt la medecine, cōme fera toute personne qui considerera son excellence de son suiet, qui est l'homme &

198 *Aduis à ceux qui mal apropos*
de sa fin qui est la santé, de sa
nécessité & du contentement
qu'elle nous apporte, dont
tant d'Autheurs ont si bien
parlé, que ne se portent ils à
l'estude? ils y trouuent trop
d'espines & de difficultez, &
croient que le trauail d'Esprit
n'apporte que du chagrin, rēt le
corps maigre, la couleur passe
& vne vie plus courte, ce qui
est comme dit vn grand per-
sonnage, *miserum Studiorum sti-
pendium*, Par ce que l'estude
espuise tous les Esprits dans la
specuiation, & ainsi l'esto-
mach estant affoibli, il ne se
fait qu'une mauuaise nourri-
ture, ils ayment bien mieux

boire de bon vin, pour auoir bonne trongne & se rangent plutoſt du coſté des Epycuriens que des Samiens. Ils n'ont garde d'aymer la ſcience ne la connoiſſant pas, *voluntas non fertur in incognitum*. S'ils l'auoient enuiſagée, ils connoiſtroient qu'il y à plus de difference, non ſeulement comme dit Montagne de certain hōme à certain homme, que de certain homme à certaine beſte, mais d'un homme fort ſçauant à vn ignorant, que d'un Ange à vn homme; l'aduantage de l'Ange, ſon bō heur & contentement au deſſus de l'homme ne vient que

200 *Aduis à ceux qui mal apropos*
des plus grandes cōnoissances.
L'ignorance est cause de tout
le mal qui arriue, par ce qu'il
est impossible que la volonté
se porte iamais au mal quand
il est reconnu tel, mais seule-
ment quand par ignorance il
est conceu comme vn bien,
*voluntas non appetit malum sub ratio-
ne mali* (disent les Philosophes)
Mais qui veut acquerir des sci-
ences il faut estre sobre, les
fumées d'vn estomach plein
de vin & de viandes, rendent
vn homme incapable des fon-
ctions de l'Esprit.

Pour la difference que l'on
remarque souuent dans les or-
donnances, elle prouient de

l'abondance de remedes pour vn mesme mal, l'vn ordonnera le bain pour vne chaleur excessiue, l'autre vne ptisane de cichorée, l'autre d'orge, l'autre des eaux, & l'autre vn regime de viure & tous avec raison.

C'est folie de dire que les Medecins ruinent les corps de remedes, ils n'en donnent que lors que la nature ne peut se descharger d'elle mesme de ce qui l'incommode, parce que veritablement les medicaments diminuēt toujours plus & affoiblissent la chaleur naturelle que les aliments, a raison de leurs qualitez plus

202 *Advis à ceux qui mal apropos*
contraires ; c'est pourquoy
on tasche de redonner la santé
par vn regime de viure qui
aye des qualités contraires a
la maladie ou du moins par
des remedes benins, le trai-
tement est plus long, mais il
est plus seur & plus agreable,
or est il (comme dit Fernel)
que, *sat cito, si sat benè.*

Ceux qui n'ont iamais pris
de medicaments se portent
mieux que ceux qui en vsent
souuent, mais la cause de leur
santé n'est pas, qu'ils n'ont pas
pris de remedes, mais ils n'en
ont pas pris par ce qu'il n'en
ont pas eü besoin, *Gaudeant be-
ne nati.* Il n'y à personne qui

aye appetit pour des medecines, & n'en vseroient pas s'ils n'en auoient besoin, & s'ils ne s'en trouuoient soulagez.

Ceux qui disent que les Medecins en tuent plus qu'ils n'en guarissent, les faisant mourir de faim, & leur tirant trop de sanc & que la medecine ne sert de rien, en parlēt cōme les Aueugles des couleurs. Qui est ce qui peut iuger d'une chose ou il ne connoist rien? Neammoins vous n'entendez autre chose sinon, qu'un tel Medecin a tué celuy cy & celuy la, ils n'espargnent pas mesme des hommes qui ont blanchi sur les liures & auprès

204 *Aduis à ceux qui mal apropos*
des malades & qui sont recō-
neus pour des plusçauants
du monde, les vns par ouy di-
re, les autres par ignorance
& les autres par malice & hai-
ne pour leur oster la reputatiō
Quorsum quaeso constituta haec esset tot
tantisquē maiorum vigiliis, nisi maius
quiddā (&) excellētius quā natura pra-
staret (dit Fernel) Si la medeci-
ne n'estoit vne science excel-
lente & fort vtile, tant de
grands Esprits auroiēt ils passé
toute leur vie pour l'acquérir.
toutes les maladies presque se
font d'abondance d'humeurs,
bōnes ou mauuaises il faut os-
ter le mal & par cōsequent ces
humeurs, tantost par des pur-

gations, tâtoſt par les ſaignées
& ainſi la nature qui eſtoit
foible & oppreſſée, ſe trouue
ſoulagée, à raiſon dequoy on
ne donne qu'autant de nourri-
ture qu'il eſt beſoin pour en-
retenir les forces iuſques à la
fin de la maladie, par ce qu'il
faut que la chaleur naturelle
s'occupe à combattre la cauſe
du mal, dont elle ſeroit diuer-
tie pour la digeſtion des ali-
ments que l'humeur peccante
corromperoit par contagion,
& ainſi augmenteroit la cauſe
du mal qui feroit ſuccomber
la nature ſoubs le faix, comme
nous voiõs ſouuent, la fièvre
s'augmentant toujours, & la

206 *Aduis à ceux qui mal apropos*
mort venant par trop de nour-
riture ; mais la chaleur n'estât
point occupée à la digestion
des viandes , comme elle ne
peut pas estre oisiue , elle cuit
toutes les mauuaises humeurs
les penetre, attenuë & enfin
esluacue par les voies & con-
duits les plus commodes, &
ainsi deliure de la plus part des
maladies , comme ie pensois
faire voir dans vn Chapitre
particulier , m'ontrant que
c'est par ce moien seul & seur
quel'on peut se deliurer &
guarantir de maladies sans
prendre de remedes ; mais le
temps ne me le permet pas,
car ce dessein à esté aussitost

enfanté que conceu & commencé dans le temps ou il eust deu estre acheué, ie n'ay pas eü seulement le loisir de relire ce que i'escriuois ou dictois, ainsi comme l'on pourra remarquer fort aisement en plusieurs lieux, ce que ie prie d'excuser aussi bien que les fautes suruenues à l'Impression, n'ayant pas toujours peu estre presēt pour les corriger; mais si la substance s'en trouue autant vtile que ie le souhaite, ie tascheray plus a loisir de luy donner ce qui luy manque.

Pour conclusion ie dis que les malades sont souuent cau-

208 *Advis à ceux qui mal apropos*
se de leur mort, n'appelant le
Medecin que lors qu'il n'est
plus temps, *occasio preceps* (dit
Hyp.) Vous perdez l'occafion
vous ne la recourez jamais.
Principiis obsta, vel levis error in prin-
cipio si gravis in fine. On charge la
nature d'aliments & quelque
fois mal apropos de medica-
ments qui augmentent le mal
au lieu de le soulager. C'est
pourquoy le principal est d'ap-
peler le Medecin dans le cō-
mencement, en qui lon aye
entiere confiance, pour faire
absolument tout ce qu'il or-
dōne, si on le faisoit, plusieurs
recouvreroient leur santé qui
perdent la vie & lon ne verroit

pas tāt de maladies inuetercées & incurables. Qu'vn chacun se prenne dōt garde d'vser d'aucuns remèdes mal apropos, particulièrement des violents & sur tous ceux qui prennent des eaux qui ont besoin de cōseruer la force de leur estomach,

Il n'y à pas moins d'abus aux remèdes exterieurs. Quād vne femme scait faire le moindre onguent ou emplastre elle se croit plus habile que tous les Medecins Chirurgiens & Apoticaire, dont il arriue de grands accidents.